

MELEKITSEDEKE YO KE MANG?



A re kobeng dihlogo tša rena bakeng sa thapelo.

Morategi Tate wa Legodimong, re kwa pina ye ya *Dumela Feela*, e dira gore re tsebe gore seo ke ka moka re swanetšego go se dira go rua ditshephišo tša Modimo, e nong go di dumela. Ka gore go ngwadilwe, “Dilo ka moka di a kgonega go ba ba dumelago.” Bjalo ka ge re lla, bjalo ka monna yo a bilego le ngwana wa dihwahwa, “Morena, ke a dumela! Wena thuša go se dumele ga ka.”

² Re leboga Wena ka maatla a Gago a magolo, kutollo ya Gago ya Bowenamong go rena ka mo matsatšing a mafelelo. E dira dipelo tša rena go thaba kudukudukudu le go tlala thabo, go tseba gore re tlile ra kgomana le Modimo yo a phelago; Yo a e hlatselago morago ka sebele, le ka mabohlatse a materiale, bjalo ka ge A dirile ka matsatšing ao a fetilego, le bjalo ka ge A tshephišitše bakeng sa letšatši le. Re Go thabetše kudu, Modimo wa rena. Letšatši le lesa le fao go bonalago o ka re ga go le yo motee yo a tsebago gore a ye ka tsela efe, re thabile gore re hweditše lefelo la polokego, bokhuto.

³ Bjale re šegofatše bošegong bjo, Morena, ge re bolela ka Lentšu la Gago. Gomme ditshephišo tše o re filego tšona, a nke re di nošetše ka dipelong tša rena, re di hlokomele ka tlhomphokgolo, le go di obamela ka boitshwaro bja bomodimo bja nnete. Ka gore re se kgopela Leineng la Jesu. Amene.

⁴ [Yo mongwe o bolela le Ngwanešu Branham—Mor.] (Oo, seo ga sa swanela go dirwa. Moneelo wa lerato? Ga ba swanela. Ga ba swanela go ka be ba dirile seo. Ke mang yo a dirilego seo? O na le molato?) Ke be ke le godimo ga molaodi. O rile o tšere moneelo wa lerato bakeng sa ka. O be a se a swanela go ka be a dirile seo. Ke a o leboga, Modimo o tseba seo, eupša ga—ga se ka ke ka tlela seo. Ke a leboga. A nke Morena a le šegofatše. Ke tla dira se sengwe ke se kgonago. Ke tla o bea thwi ka go maboromiwa a dinaga tša ntle, gore ke tsebe gore o tla ya go Mmušo wa Modimo. Gomme ge Morena a rata, ke tla o tšea, ka bonna, go ya ka dinageng, go tliša Ebangedi ye e swanago ye yeo le bego le dutše, le e theeditše beke ye, gona ke a tseba gore o tla dirwa ka tsela ye le E dumetšego. Morena a nthuše go o dira.

⁵ Ke thabetše tsenelo ye kgolo kudu beke ye, le lena batho ka moka bao le kgokagantšwego bošegong bjo ka—ka mathale a mogala. Gomme re thabetše yo mongwe le yo mongwe wa lena.

⁶ Billy o rile go nna mosong wo, o rile, “Daddy, ge nkabe o tlile le nna mosong wo, pele, thwi ka morago ga seetša sa letšatši, gomme wa ema ntle mo go dikologa mafelo a gomme wa bogela bomme ba fepa masea a bona ka dikoloing, bona

batho ba go šokiša ba dutše ka puleng yela, ba letetše mejako gore e bulege!” Le bona ka fao nka bago moikaketši ge nkabe ke le boditše eng kapa eng ge e se Therešo? Ka nnete nka ba motho yo mobe. Nako ye nngwe ke swanetše go gobatša, eupša ga se ka baka la gore ke nyaka go, ke ka baka la gore. . . Ga se nna yo a gobatšago. Ke Therešo ye e gobatšago. Gomme ke—ke. . . Eupša ke a dumela gore ke ka baka le le tšilego, ka baka la gore ke hlokofetše kudu ka lena, gomme ke dira ka moka tše nka kgonago go dira gore ke le thuše. Morena a thuše yo mongwe le yo mongwe wa lena.

⁷ Gomme bjale ke nyaka go leboga batho ka tirišano ye kaone ya bona, batho ba toropokgolo mo, le bona, ba ba re filego, ba re dumeletšego go hira ngwako wo wa sekolo, otithoriamo le lefelo la go tšima. Gomme ke rata go leboga ba taolo ge le le mo. Gomme gape ke rata go leboga Thurston Colvin, e lego mohlokomedi mo, bakeng sa tirišano ye kaone ka go re thuša go hwetša se le go ba le rena bošego bjo bongwe le bjo bongwe.

⁸ Re leboga maatla a sephodisa sa Jeffersonville ka go tla godimo mo gomme ba hlapetša, ka tefo ya go tšhipa ka nnete. Ke nagana gore ka ditlora tše pedi ka iri, gore maphodisa a beilwe godimo mo ka mošomo wa go ikgetha, go phaka dikoloi, go bona gore fao ga go. . . ga go selo se se diregago, gomme selo se sengwe le se sengwe se be ka moka se le gabotse. Re thabela batho ka seo. Gomme le go—go, gape, le moentšeneere mo godimo ga—ga letlapa le ditsebišo, ke mmone. Gomme ka moka ba ba šomišanago le se, ka nnete re le thabetše kudu.

⁹ Ke leboga yo mongwe le yo mongwe wa lena bakeng sa dimpho. Billy o sa tšwa go ntlišetša, ka morago ga sekgalela se, yona—yona mpho, tše mmalwa tša tšona, le mapokisi, dikhenti, le go ya pele. Gomme ye tee ya tšona e be e le se—Sekganyogelamahlatse, le senepa sa Kriste se šometšwe ka go sona—sona, Thuto Thabeng. Gomme ka nnete e be e le se sebotse. Ka nnete ke a le leboga. Gomme ka fao dilo tše ntši, ga ke tsebe gore nka le leboga bjang bakeng sa tšona. Ka gona, gape, ka ya lena—ya lena thekgo, go lefella kopano, ke nnete re a e leboga, ka dipelo tša rena ka moka. Morena a šegofatše yo mongwe le yo mongwe wa lena, ka go huma.

¹⁰ Billy o rile, fao go be go le batho ba bantši, le be le kgopele poledišanotsenelelo ya ka thopeng nakong ya kopano. Gomme ba bantši ba kgopetše gomme ba be ba na le masea a mannyane go gafelwa. Oo, ke nyaka go dira seo bjang!

Eupša, le a bona, ge ke etla nako ye, ke tšhoganetšo kudu. Ke swanetše go dula gabotse, nako ka moka, ka go ithuta, Lentšu le le go rapela, ka baka la go tliša Melaetša ye. Le a bona, ga e no. . . E—e ka godimo ga tlwaelo ya rena, ka baka la gore ke go hwetša thato ya Modimo gomme ka gona le go bolela dilo. Gomme ka moka tšeo di swanetše go kopana mmogo, le go botšiša Modimo go no re ke bule efe ye tee.

¹¹ Bjale, Morena ge a rata, re tla ba morago gape ka pela, ka pela ge re ka kgona go hwetša letšatši. Ke dirile se—sešupo, goba—goba ke boletše selo se sengwe ka Tsogo. Bokaone ke tšheke seo, ka baka la gore ke nagana gore ke na le peakanyo ka California go bapela e ka ba ka nako yeo. Ka fao seo se ka no ba se fošagetše. Le ge go le bjalo, ge re bowa gape tabarenekeleng, re tla le romela karata, gomme kereke, gomme—gomme re le fe le—letšatšikgwedi le nako. Ka gona ke tla, mohlomongwe ka nako yeo, gape. . .

¹² Ga se ka bea nako ye e itšego go rapelela balwetši. Ga se ra ke ra ba le nako ye tee yeo re tlišitšego batho godimo gomme ra ba rapelela. Re be re ba romela ntle. Gomme baena ba rena mo ba be ba rera, Ngwanešu Lee Vayle le Ngwanešu. . . Ba bangwe ba banešu ba be ba rera, le go rapelela balwetši, le go dira kolobetšo ya meetse, ba kolobetša, ke ra gore, le go ntira gore ke dule ke nnoši le Lentšu. Re leboga banna ba. Ba dirile mošomo wo bogale.

¹³ Fa go na le bagwera ba bantši bao ke ratago go kopana le bona. Ke lebeletše fase gomme ka bona John le Earl. Gomme go na le Ngaka Lee Vayle, yo motee wa balaodi ba khampeine. Ngwanešu Roy Borders. Bona banna, ga se ka hwetša le go ba. . . Ga se ka ba le go no šišinya seatla sa bona. Ga se ka ba le sebaka sa go dira. Ke nagana ka bagwera ba ka ba go tšwa Kentucky, le tikologong mo, le bagwera ba go direla, ke rata bjang go šišinya diatla tša bona! Ngwanešu Blair, ke mmone mo letšatši le lengwe. Le ba bantši ba banna bao ba ke—ke ba ratago, gomme ba bile dikopanong tše mmalwa, gomme ga se ka ke gantši ke no šišinya diatla tša bona. Ke—ke leka. . . Ga se ka baka la gore ga ke nyake go dira seo; ke ka baka la gore ga ke na le nako ya go se dira, gomme ke no hlaganela.

¹⁴ Go gafela masea, nnete. Morwa wa ka mong, setlogolomorwa yo monnyane wa ka o be a swanetše go gafelwa ka kopanong ye. Ga se ka ba le nako ya go e dira; Dafida yo monnyane. Ke nna rakgolo, gabedi bjale. Ka fao, Mna. May, ge a le mo bošegong bjo, yo a mphilego kheine yela, go bonala o ka re ke ya go e šomiša gabotse ka potlako.

¹⁵ Ka fao, gomme ke boditše Billy, ka re, “Beibele e rile ‘atang le tlale lefase,’ eupša morwalo wohle o be o se wa fiwa wena.” Gomme ditlogolobarwa tše di tšwelela ka lebelo.

Gomme ka fao, elelwang, ngwetši ya ka e be e le moopa, la mathomo. O be a sa kgone go ba le bana. Gomme letšatši le lengwe, ge re tloga kopanong, Morena a bolela le nna gomme a re, “Loyce, o tla belega morwa. Morena o go šegofaditše. Bothata bja gago bja sesadi bo sepetše.” Paul yo monnyane a tswalwa, dikgwedi tše senyane ka morago.

¹⁶ Dikgwedi tše pedi pele lesea le le etla lefelong la tiragalo, ke be ke dutše, ke eja difihlolo mosong wo motee, tafoleng, gomme Loyce le Billy ba be ba dutše go putla tafola go tloga

go nna. Gomme ka bona Loyce a fepa lesea le lennyane ka pinki... goba lepai le lebolou le tateditše go le dikologa. Gomme Billy o be a dutše sekhutlong, a fepa Paul yo monnyane. Ka re, “Billy, ke sa tšwa go bona pono. Loyce o be a fepa lesea le phuthetšwe ka lepai le lebolou.”

A re, “Fao go na le leeto la ka la go tsoma. E no ba dikgwedi tše senyane go tloga bjale.”

Dikgwedi tše lesometee ka morago, Dafida yo monnyane a tswalwa. Gomme ga se ka ke ke kgona go mo gafela go Morena le bjale, gomme nka se ke go fihla re bowa gape. Ka fao le bona se e lego sona.

¹⁷ Ke rata batho bjang le kopanelo tša bona! Eupša baena ba rena ba be ba rapelela balwetši, gomme ke a tseba ke katlego. Bošego bjo bongwe le bjo bongwe re be re rapelela balwetši, yo motee a bea diatla tša bona godimo ga yo mongwe, ka moka ga rena mmogo, seo ka tsela yeo se swara lefelo lohle. Eupša mohlomongwe, ge Modimo a rata... Ke tla e maraka godimo ga karata, ge re e romela. Go boweng morago, ke tla rata go gafela e ka ba a mabedi goba a mararo matšatši, gape, go no rapelela balwetši le go dira se re ka se kgonago ka mokgwa woo. Bjale, gomme ke leboga batho ka thušo ya bona, gape.

¹⁸ Bjale ke no nyaka go swaya, nakwana feela, ka wa—wa mosong Molaetša. Fao ga go na le go kamaka, ga se ka fihla go o kgabola ka go felela, eupša ke a nagana gore le a kwišiša. Gomme ke na le nnete ga se la... Le ka se tsoge la tseba gore seo e be e le eng go nna go se dira.

¹⁹ Bjale, go bonagala go le bonolo kudu go lena. Eupša, le, le bona se le se dirago? Le tšea lefelo la Modimo, go bolela Selo se sengwe. Gomme pele nka dira seo, go swanetše go tla karabo go tšwa go Modimo. Gomme O be a swanetše go tla fase, gomme ka go bonala A iponatše ka Boyena, gomme a fe Kutollo. Ka fao, le a bona, se ke go Kereke. Gomme elelwang, ke rile, “Tše, se ke se boletšego, e be e le go Kereke feela.”

²⁰ Gomme gore le tle le be le boitshepho le tsebe, yoo e be e le Modimo yo a swanago yo a boletšego go nna godimo kua mo go bego go se sehlorana. “Bolela, gomme o bolele fao di tlogo go ba.” Gomme makga a mararo go otlologa e diregile. Bjale, ge A kgona go hlola selo se sengwe se se bego se se gona ka Lentšu le le swanago, Le tla swara gaka go tiiša go fetiša ka Letšatši la Kahlolo! Le a bona? Batho ba be ba le fao go bona dilo tše, le go tseba. Bjalo ka ge Paulo a boletše, matšatšing a a fetilego. Fao go bego le banna ba na le yena, bao—bao ba kwelego lefase le šišinyega; gomme ga se ba kwa lentšu, eupša ba—ba bone pi—Pilara ya Mollo.

21 E ntirile gabotse, go le bjalo, ka morago ga ge e fedile; go bona banna le basadi, ba ke tsebago gore ke Bakriste ba mmapaale, ba kgokana yo motee go yo mongwe gomme ba lla.

22 Gomme theets'ang, bagwera, Modimo o tiišetša Lentšu la Gagwe ka maswao le mabohlatse, go kgonthiša gore Ke therešo, Lentšu le le boletšwego. Bjale elelwang, Seetša sela se bego se le ka Lerung lela, seo se filego Kutollo. Ke be . . .

Morwedi wa ka yo monnyane o be a mpotša, Sarah mo, gore ge ba . . . Gore sekolo kua ka Arizona se be se lebeletše kua godimo ga lefaufau la go se be le maru, gomme ba bona Leru le la sephiri ka thabeng yela, le eya godimo-le-fase, ka Mollo wo mokheri o tuka ka go Lona. Thitšhere a šwalalanya ditlase le sekolo, gomme a ba tliša ntle ka pela, gomme a re, “A le kile la bona selo se sengwe sa go swana le sela? Bonang ka tsela ye se lego kua.”

Elelwang, seo ke Seetša se sekheri se se swanago se se lego godimo ga letlapa. Ka fao ke Modimo yo a swanago, Kutollo ye e swanago, se rile, “Ba botše ba dire *se*.” Ke se ke le boditšego mosong wo, ka fao Se seo.

23 Ge go direga gore mogwera wa ka wa go loka, Ngwanešu Roy Roberson, o theeditše ka Tucson. Roy, o a elelwa, letšatši le lengwe, pono ye o e bonego ge re be re le ka ntle re eme godimo ga thaba? O tlile godimo go nna, gomme Leru lela le be le le bogodimo ntlhoreng? A tla a sepela go theoga, o tseba se A go boditšego; gomme ke go boditše ka ngwakong wola, letšatši le lengwe? Seo ke yona, Roy. O se ke wa hlwe o tshwenyega gape, morwa. Go fedile.

24 Le no se tsebe gore seo se ra eng! Ke mogau. O a le rata. Gomme le a Mo rata, gomme ka go kokobela Mo direleng le go Mo rapela matšatši wohle a lena. Thabang, eyang pele gomme le phele ka fao le lego. Ge le thabile, tšwelang pele ka tsela yeo. Le se ke la tsoga la dira selo se sengwe sa go fošagala gape, ka mkgwa woo. Enong go ya pele. Ka mogau wa Modimo.

25 Bjale ke nyaka go rapela gape pele re tsena ka go Lentšu. Ke ba bakae ba tlogo go nthapelela? Ke no ya go tloga kopanong go ya kopanong. A le tla rapela?

Le a tseba, ke nyaka go le opelela koša ye nnyane, ka moka ga rena mmogo, pele re eya go Lentšu. Go no . . . gore re tsebe Modimo . . . Go gafela mo gonnyane feela. A le kile la kwa kopelo ye nnyane ye, *O A Go Hlokomela?* “Go kgabola letšatši le le kganyago le bohloko, O a go hlokomela.”

26 Mohumagadi yo monnyane o tla godimo go piano. Ke re, ke nyaka go leboga mohumagadi yo monnyane yo, le yena. Ke be ke bile ke sa tsebe gore e be e le mang. Ke yo motee wa barwedi ba matikone mo. Ke na le nnete . . . Mosetsana yo monnyane wa Ngwanešu Wheeler. O godile bjale. O be a no ba

yo monnyane wa nthatana yeo e bego e dula matolong a ka, e sego telele go fetile, gomme bjale ke mosadi yo moswa. Ka fao ka nnete ke a mo leboga gore o šomišitše talente ya gagwe ka mminong, gomme bjale o raloka gabose. A o ka re fa tšhunu, kgaetšedi? Ka moka ga rena mmogo bjale.

O a go hlokomela,
O a go hlokomela;
Ka phadimo ya letšatši goba morithi,
O a go hlokomela.

Le rata yeo? A re e opeleng gape, ka moka mmogo.

O a go hlokomela,
O a go hlokomela;
Ka phadimo ya letšatši goba morithi,
O a go hlokomela.

Ngwanešu Dauch, O direla wena, le wena, ngwanešu. A o a Mo rata? [Phuthego e re, "Amene."—Mor.]

A re kobamišeng dihlogo tša rena bjale.

²⁷ Morategi Modimo wa Mogau, ka noute ye nnyane ye mo ya dilo di se kae go di bolela go batho, le go ba morago gape go šupa morago mosong wo, ka baka la gore seo ke se batho ba tlilego go se kwa. Ke a rapela, Modimo, gore O tla dira gore batho ba bone gore Modimo o a rata le go hlokomela. Eupša e be e se nna yo a filego Seo, Morena, le be le hlatselwa gore e be e le Therešo. Ka fao ke a rapela, Morategi Modimo, gore lerato la Gago ka mehla le tla dula magareng ga batho. Bošegong bjo, go arogana ka morago ga kopano ye le go ya magaeng a rena a go fapana, go—go mohuta wa go re goga, ba bangwe, go subeletša, Morena. Ke a rapela gore O tla šegofatša batho ba.

²⁸ Bjale ge re batamela Lentšu, ka thapelo, le go batamela Lentšu le le ngwadilwego, re a kgopela gore O tla tšea Lentšu le le ngwadilwego gomme wa Le dira gore le phele go rena bošegong bjo. Gomme ge re tlogela moago wo bošegong bjo re arogana go ya magaeng a rena a go fapana, a nke re bolele bjalo ka bao ba bego ba etla go tšwa Emause, bao ba go sepela le Yena letšatši ka moka gomme go le bjalo ga se ba ke ba Mo tseba; eupša ge A ba išitše ka gare ga kamora bošego bjo, gomme mejako ka moka e tswaletšwe, O dirile selo se sengwe go no swana le ka mo A dirilego pele ga go bapolwa ga Gagwe. Ka seo, ba ile ba tseba gore O tsogile gape.

Se dire gape bošegong bjo, Morena. E fe, ge mejako e tswalelwa, gomme sehlopha se sennyane sa Gago mo se dutše, se letetše. Gomme, Tate, ge re eya magaeng a rena, re tla bolela bjalo ka ge ba dirile, "A dipelo tša rena ga se tša swa ka gare ga rena ge A bolela le rena mmogo tseleng!" Re ikgafela ka borena, le ka moka, ka diatleng tša Gago, Morena. Dira ka rena bjalo ka ge O bona go swanetše. Ka la Jesu Leina. Amene.

²⁹ Bjale a re yeng thwi ka tirelong bjale, ka pela. Bulang bjale le nna, ge le ka dira, go Puku ya Baheberu, le kutollo ye nngwe godimo ga Molaetša. Re tla bolela feela dinakwana di se kae bošegong bjo, Morena ge a rata. Gomme ka gona ge re bala ditemana tše tharo tša mathomo tša Baheberu 7:1 go ya go 3, gomme re swaya ka ye. Gomme ga re tsebe se Morena a tla se dirago; ga re tsebe. Selo se nnoši re se dirago e no ba go dumela, go hlokomela, go rapela. A seo ke therešo? Gomme dumela gore “O tla dira selo se sengwe le se sengwe go šomela mmogo go lokeng go ba ba Mo ratago,” ka baka la gore O tshephišitše go dira.

Ka gore Melekitsedeke yo, kgoši ya Salem, moprista wa Modimo yo godimo kudukudukudu, yo a kopaneditšego Abraham go tšwa go gagara dikgoši, gomme a mo šegofatša;

Yo Abraham a go mo fa karolo ya lesome ya tšohle; la pele o hlathollwa gore ke Kgoši ya toko, gomme ka morago ga fao gape ke Kgoši ya Salema, e lego, Kgoši ya khutšo.

A re baleng go ya pejana gannyane.

Ga a na tate, ga a na le mme, ga a na le leloko, . . . le mathomo a matsatši, goba mafelelo a bophelo; eupša o dirilwe bjalo ka Morwa wa Modimo; o dula e le moprista go ya go ile.

³⁰ Naganang ka Motho yo mogolo, ka fao Monna yo a swanetšego go ba a be a le yo mogolo ka gona! Gomme bjale, potšišo ke, “Monna yo ke Mang?” Baithutamodimo ba bile le dikgopolo tša go fapana. Eupša go tloga go bulegeng ga Mahuto a Šupa, Puku ya sephiri ye e bego e le sephiri go rena. . . Go ya ka Kutollo 10:1 go ya go 7, diphiri ka moka tše di ngwadilwego ka Pukung ye, tšeo di bego di utilwe go kgabola lebaka la batsošološi, di swanetše go tlišwa ntle ponagalong ke morongwa wa lebaka la kereke la mafelelo. Ke ba bakae ba tsebago gore seo ke therešo? [Phuthego e re, “Amene.”—Mor.] Seo ke therešo, di swanetše go tlišwa. Ka moka diphiri tša Puku ya sephiri di swanetše go utollwa go motseta wa Laodikia wa lebaka leo.

³¹ Ka go bona gore go na le ngangišano ye ntši ka Motho yo le ka thuto ye, ke nagana gore go a re swanela go thuba go ya ka gare ga yona, go hwetša gore ke Yena mang yo. Bjale, fao go na le dikolo tše mmalwa tša kgopolo ka Yena.

Setee sa dikolo ke, se a tleleima, “O no ba nonwane. O be gabotse e se motho.”

Gomme tše dingwe di bolela, gore, “E be e le bopriska. E be e le bopriska bja Melekitsedeke.” Yeo ke ye e swanago

kudukudukudu ye tee, yeo e swarago bokaonekaone go lehlakore leo go feta ka fao ba dirago go le lengwe, ke ka baka la gore ba re e be e le boprista.

E ka se kgone go ba, ka gore go ya 4 temana E re O be a le Motho, “Monna.” Ka fao, gore e be Motho, O swanetše go ba le bomotho, “Monna.” E sego tshepedišo; eupša Motho! Ka fao O be a sa no ba tshepedišo ya boprista, ebile O be a se nonwane. O be a le Motho.

³² Gomme Motho ke wa ka Gosafelego. Ge le ka ela hloko, “O be a se na le tate. O be a se na le mme. O be a se na le nako mo A kilego a thoma. Gomme O be a se na le nako mo A kilego a fela.” Gomme se A bego a le sona o sa phela bošegong bjo, ka baka la gore Beibele e boletše mo, gore, “O be a se na le tate, le ge e le mme, mathomo a matšatši, goba mafelelo a bophelo.” Ka fao E swanetše go ba Motho wa ka Gosafelego. A seo ke therešo? [Phuthego e re, “Amene.”—Mor.] Motho wa ka Gosafelego! Ka fao e ka kgona go ba Motho yo motee feela, yoo ke Modimo, ka baka la gore Ke yo Motee feela yo a lego ka Gosafelego. Modimo!

³³ Bjale, ka go wa Pele Timoteo 6:15 le 16, ge le rata go bala yeo nako ye nngwe, ke rata gore le e bale.

Bjale, selo se ke kgotsofalago ka sona ke, gore, O be a le Modimo, ka baka la gore Ke Motho a nnoši yo a ka kgonago go se hwe. Gomme bjale, Modimo o iphetola ka Boyena ka go ya go beng Motho; seo ke se A bego a le sona, “A se na le tate, a se na le mme, a se na le mathomo a bophelo, a se na le bofelolo bja matšatši.”

³⁴ Bjale re hwetša ka Lengwalong gore batho ba bantši ba ruta seo, “bomotho bjo boraro ka go Bomodimo.” Ka fao, o ka se kgone go ba le bomotho ntle le go ba motho. Go tšea motho go dira bomotho.

Modiredi wa Baptist, dibeke di se kae tša go feta, o tlile godimo, le ngwakong wa ka, gomme a re, “Ke nyaka go go otlollela ntle ka Bomodimo nako ye nngwe ge o na le nako.” O mpileditše godimo, ke ra gore.

³⁵ Ka re, “Ke na le nako thwi bjale, ka baka la gore ke nyaka go otlologa, gomme re beela thoko selo se sengwe le se sengwe gape, go se dira.”

Gomme a tla godimo, a re, “Ngwanešu Branham, o ruta gore fao go Modimo yo motee feela.”

Ka re, “Eye, mohlomphegi.”

A re, “Go lokile,” a re, “Ke a dumela fao go na le Modimo yo motee, eupša Modimo yo motee ka go Batho ba bararo.”

Ka re, “Bahlomphegi, bušeletša seo gape.”

A re, “Modimo yo Motee, ka go Batho ba bararo.”

³⁶ Ka re, “A o ile sekolong kae?” Le a bona? Gomme a mpotša kho—kholetše ya Beibele. Ka re, “Ke kgona go dumela seo. O

ka se kgone go ba motho ntle le go ba bomotho. Gomme ge o le bomotho, o bomotho bjo botee go wenamong. Ke wena yo a aroganego, sephedi ka bosona.”

Gomme a re, “Go lokile, baithutamodimo ba ka se kgone go hlatholla seo.”

Ka re, “Ke ka kutollo.”

Gomme a re, “Nka se kgone go amogela kutollo.”

³⁷ Ka re, “Gona fao ga go tsela ya Modimo go ka tsoga a tla go wena, ka baka la gore, ‘E utilwe go tšwa mahlong a ba bohla le ba tlaologanyo, gomme e utolotšwe go masea,’ e utolotšwe, kutollo, ‘e utolotšwe go masea ao a tlogo go e amogela, ba ithuta.’” Gomme ka re, “Fao ga go tsela ye Modimo a ka tlogo go wena; o itswaletše ka bowena go tlogo go Yena.”

Beibele yohle ke kutollo ya Modimo. Kereke yohle e agilwe godimo ga kutollo ya Modimo. Fao ga go tsela ye nngwe ya go tseba Modimo, ke feela ka kutollo. “Go yo Morwa a tlogo go Mo utolla.” Kutollo; se sengwe le se sengwe ke kutollo. Ka fao, go amoge-...Go se amogele kutollo, gona o no ba moithutamodimo wa go tonya, gomme fao ga go kholofelo go wena.

³⁸ Bjale, bjale, re hwetša gore Motho yo “o be a se na le tate, a se na le mme, a se na le mathomo a matšatši goba bofelo bja bohelo.” E be e le Modimo, *en morphe*.

Bjale, lefase, lentšu le tšwa, lentšu la Segerika, le ra, “go fetoga,” le šomišitšwe. A iphetola ka Boyena, *en morphe*, go tšwa go Motho yo motee go ya...Motho yo motee; lentšu la Segerika fao, *en morphe*, go ra gore...Le tšerwe go tšwa tiragatšong ya sefaleng, fao motho yo motee a fetola seširasefahlego sa gagwe, go mo dira sebakadi se sengwe gape.

³⁹ Bjalo ka—ka sekolong, kgauswana feela, ke a dumela, Rebekah, feela pele a rwala dihloro, ba be ba na le ye tee ya dipapadi tša Shakespeare. Gomme monna yo monnyane yo motee o be a fetola dipapadi tša gagwe makga a mmalwa, ka gore o be a bapala dikarolo tše pedi goba tše tharo tša go fapana; eupša, motho yo a swanago. O tšile ka ntle, nako ye tee, o be a le mosenyi; gomme ge a etla ntle nako ye e latelago, o be a le sebakadi se sengwe gape. Gomme bjale lentšu la Segerika, *en morphe*, le ra gore o “fetošitše seširasefahlego.”

⁴⁰ Gomme seo ke se Modimo a se dirilego. Ke Modimo yo a swanago nako ka moka. Modimo ka sebopego sa Tate, mo—Moya, Pilara ya Mollo. Modimo yo a swanago o dirilwe nama gomme a dula magareng ga rena, *en morphe*, a tlišitšwe ntle gore A kgone go bonwa. Gomme bjale yena Modimo yo a swanago ke Moya wo Mokgethwa. Tate, Morwa, Mokgethwa...e sego Badimo ba bararo; diofisi tše tharo, ditiro tše tharo tša Modimo yo motee.

⁴¹ Beibele e rile, “Fao go Modimo yo motee,” e sego ba bararo. Eupša seo ke ka fao ba sa kgonago. . . Le ka se kgone go dira se go otlollelwa ntle gomme la ba le Badimo ba bararo. O ka se ke wa rekišetša Mojuda seo. Ke tla go botša seo. Yo motee yo a tsebago bokaonekaone, o a tseba gore fao go na le Modimo yo motee feela.

⁴² Elang hloko, bjalo ka sebetlwa, o a se uta, ka—ka seširasefahlego godimo ga sona. Seo ke se Modimo a se dirilego go lebaka le. Se be se utilwe. Ka moka dilo tše di be di utilwe, gomme di swanetše go utollwa ka lebakeng le. Bjale, Beibele e re di tla utollwa ka dinakong tša morago. Go swana le mmetli ge a boloka sa gagwe—sa gagwe seripa sa mošomo ka moka se apešitšwe godimo go fihla nako ye a tšeago seširasefahlego go sona gomme se seo.

Gomme seo ke se Beibele e bego e le sona. E be e le mošomo wa Modimo wo o bego o apešitšwe godimo. Gomme E be e utilwe go tloga go theweng ga lefase, gomme Ke sephiri semenwa ga šupa. Gomme Modimo o tshephišitše ka letšatšing le, ka lebakeng la kereke ye ya Laodikia, gore O tla tšea seširasefahlego go tloga go selo sohle gomme re ka kgona go E bona. A selo sa letago!

⁴³ Modimo, *en morphe*, a širilwe ka Pilareng ya Mollo. Modimo, *en morphe*, ka Monneng yo a bitšwago Jesu. Modimo, *en morphe*, ka Kerekeng ya Gagwe. Modimo ka godimo ga rena; Modimo o na le rena, Modimo ka go rena; Modimo yo a itheošitšego.

Godimo Kua, yo mokgethwa, ga go le yo motee a bego a ka kgona go Mo kgwatha, O ile a dula thabeng; le ge phoofolo e be e ka kgwatha thaba, e be e swanetše go hwa.

Gomme ka gona Modimo a tla tlase gomme a fetola tente ya Gagwe, gomme a tla tlase gomme a phela le rena, ya ba yo motee wa rena. “Gomme ra Mo swara,” Beibele e boletše. Timoteo wa Pele 3:16, “Ntle le go ganetšega sephiri sa bomodimo ke se segolo; ka gore Modimo o bonagaditšwe nameng, a swarwa ka diatla.” Modimo o ja nama. Modimo o nwele meetse. Modimo o ile a robala. Modimo o ile a lla. O be a le yo mongwe wa rena. Ye botse, e swantšhitšwe ka Beibeleng!

Yoo e be e le Modimo ka godimo ga rena; Modimo o na le rena; bjale ke Modimo ka go rena, Moya wo Mokgethwa. E sego Motho wa boraro; Motho yo a swanago!

⁴⁴ Modimo o tlile tlase gomme a ba nama, gomme a hwa lehu, ka go Kriste; gore A kgone go hlwekiša Kereke, gore a tsene ka go yona, bakeng sa kopanelo. Modimo o rata kopanelo. Yeo ke ye A e diretšego motho nakong ya pele, e be e le kopanelo; Modimo o dula a nnoši, le Bakerubi.

⁴⁵ Gomme elang hloko bjale, O dirile motho, gomme motho a wa. Ka fao A tla tlase gomme a lopolla motho, ka baka la gore Modimo o rata go rapelwa. Lona lentšu *modimo* le ra “selo sa go rapelwa.”

Gomme se seo se tlogo magareng ga rena, bjalo ka Pilara ya Mollo, bjalo ka selo se sengwe se se fetolago dipelo tša rena, ke Modimo yo a swanago yo a rilego, “Fao a go be seetša,” gomme fao seetša sa ba gona. O a swana maabane, lehono, le ka gosafelego.

⁴⁶ Bjale, mathomong Modimo o be a dula a nnoši, le dikgopolo tša Gagwe, bjalo ka ge ke boletše mosong wo. Tšeo ke megopolo ya Gagwe. Fao go be go se selo, Modimo feela a nnoši, eupša O be a na le megopolo.

Go no swana le mohlami yo mogolo o kgona go dula fase, ka monaganong wa gagwe, gomme a thala se a naganago gore ke se a yago go—go se aga. Go se hlola, bjale, ga a kgone go hlola. O kgona go tšea selo se sengwe se se hlotšwego gomme a se dira ka sebopego sa go fapana; ka baka la gore Modimo ke tsela e nnoši . . . yo Motee a nnoši a kgonago go hlola. Eupša o hwetša ka monaganong wa gagwe se a yago go se dira, gomme seo ke megopolo ya gagwe, seo ke dikganyogo tša gagwe. Bjale ke mogopolo, gomme ka gona o a o bolela, gomme ke lentšu nako yeo. Gomme le—lentšu ke . . .

⁴⁷ Mogopolo, ge o tšweletšwa, ke lentšu. Gomme mogopolo ge o tšweletšwa ke lentšu, eupša e swanetše go ba mogopolo pele. Ka fao, ke dikgopolo tša Modimo; ka gona di tla go ba mogopolo, ka gona lentšu.

⁴⁸ Elang hloko. Bao ba nago le, bošegong bjo, Bophelo bjo Bosafelego, ba be ba na le Yena le ka go Yena, ka monaganong wa Gagwe, pele fao go be go ka ba le ge e le Morongwa, naledi, Mokerubi, goba eng kapa eng gape. Bjo ke Bokagosafelego. Gomme ge o na le Bophelo bjo Bosafelego, ka mehla o be o le gona. E sego go ba ga gago mo, eupša sebopego le seemo seo Modimo wa go se felele . . .

⁴⁹ Gomme ge A le wa go felela, Yena ga se Modimo. Modimo e swanetše go ba yo a sa felelego. Rena re a felela; Yena ga a felele. Gomme O be a le motlalagohle, motsebatšohle, mokgonatšohle. Ge A se yena, gona A ka se kgone go ba Modimo. O tseba dilo ka moka, mafelo ka moka, ka baka la gore Ke motlalagohle. Botsebatšohle bo Mo dira motlalagohle. Ke Sephedi; Yena ga a swane le phefo. Ke Sephedi; O dula ka ngwakong. Eupša ka go ba motsebatšohle, go tseba dilo ka moka, go Mo dira motlalagohle, ka baka la gore O tseba se sengwe le se sengwe seo se diregago.

Fao go ka se be letsetse le le ponyago mahlo a lona ge e se le A le tsebago. Gomme O le tsebile pele ga ge fao go eba lefase, gore le tla ponya mahlo a lona makga a makae, le gore ke ditološa tše kae le bilego natšo ka go lona, pele ga ge fao go bile lefase. Seo ke go se felele. Re ka se kgone go e elelwa ka menaganong ya rena, eupša yoo ke Modimo. Modimo, ga a felele!

⁵⁰ Gomme elelwang, wena, mahlo a gago, sebopego sa gago, eng kapa eng o bego o le sona, o be o le monaganong wa Gagwe mathomong. Gomme selo se nnoši o lego sona ke go tšweletša, lentšu. Ka morago ga ge A le gopotše, O le boletše, gomme o mo. Ge e se lona, ge o be o se ka monaganong wa Gagwe, fao ga go tsela le gatee ya gago go tsoga wa ba fao, ka gore ke Yena yo Motee yo a fago Bophelo bjo Bosafelego.

⁵¹ Le elelwa ka fao re badilego Mangwalo? “Ga se yo a ratago, goba yo a kitimago, eupša Modimo!” Gomme gore kgethelopele ya Gagwe e eme e le ya therešo, O kgona go kgetha, pele ga nako efe kapa efe, mang. Modimo o ikeme ka kgethong ya Gagwe. A le be le tseba seo? Modimo o ikeme.

Go be go le mang morago kua go Mmotša tsela ye kaonekaone go dira lefase? Ke mang yo a ka Mmotšago gore O be a sepediša kgwebo ya Gagwe ka go fošagala?

Le lona—le lona Lentšu, ka Bolona, le ikeme. Le kutollo e ikeme. “O utolla go yo A yago go utolla go yena.” Yona kutollo, ka boyona, e ikema ka go Modimo. Wo ke mokgwa wo batho ba thulago dilo, le go tabogela dilo, le go itia dilo, ba sa tsebe se ba se dirago. Modimo o ikeme ka mešomong ya Gagwe.

⁵² Bjale, re Mo hwetša ka mathomong, dikgopolo tša Gagwe. Gomme, bjalo, le be le le ka go Yena nako yeo. Nako yeo ke ge Puku ya Bophelo e etla ka ponagalong.

Bjale, re a bala ka go Kutollo ya 13 tema, ya 8 temana, gore, “Sebata se se tlogo godimo ga lefase,” ka mo matšatšing a a mafelelo, “se tla fora ka moka batho ba lefase bao maina a bona a bego a se a ngwalwa ka Pukung ya Bophelo ya Kwana pele ga go thewa ga lefase.”

⁵³ Naganang ka yona! Pele Jesu a be a ka tswalwa, mengwaga ye diketenne pele A etla lefaseng, le mengwaga ye dikete tše mmalwa pele o etla lefaseng; Jesu, ka monaganong wa Modimo, o hwetše dibe tša lefase, gomme Puku ya Bophelo e ile ya dirwa, gomme leina la gago le ile la bewa Pukung yeo ya Bophelo pele ga go thewa ga lefase. Yeo ke Therešo ya Beibele. Le a bona, leina la Gago le beilwe ke Modimo gomme la bewa Pukung ya Bophelo pele ga go thewa ga lefase.

⁵⁴ O be o le fao ka dikgopolong tša Gagwe. Ga o e gopole, aowa, ka baka la gore o be o no ba karolo ya Bophelo bja Gagwe. O ba karolo ya Modimo ge o eba morwa goba morwedi wa Modimo.

Go no swana le ge o le karolo ya tatago wa lefase! Seo ke therešo. O yona. Monna o rwala hemotlopinini, madi. Gomme ge ao a ile ka go—ka go lee, nako yeo o ba karolo ya tatago; gomme mmago ke karolo ya tatago, le yena; ka fao ka moka le karolo ya tatago.

Letago! Seo se tlogela kereke ya leina ka ntle, ka moka ka go felela. Uh-huh. Ka nnete e a dira! Modimo, ka go ka moka, lefelo le nnoši!

55 Elang hloko bjale dikgopolo tša Gagwe. Ka gona kgopolo e be e le, sa pele, Modimo; mogopolo, kgopolo ka boyena, ka moka ka go yo Motee, ntle le go tšweletšwa. Ka gona ge A tšweleditšwe, sa bobedi, A tla go ba Lentšu. “Gomme ka gona Lentšu la dirwa nama gomme la dula magareng ga rena.”

56 Mokgethwa Johane ya 1 tema le 1 temana, elang hloko, se ke, “Mathomong.” Eupša, pele, ka Gosafelego! Elang hloko, “Mathomong go be go le Lentšu.” Ge nako e thoma, e be e le Lentšu. Eupša pele ga ge e be e le Lentšu, e be e le kgopolo, mogopolo. Ka gona o ile wa tšweletšwa, “Mathomong go be go le,” tšweletšo, “Lentšu.”

Bjale re ya mo Melekitsedeke a lego. Ke Motho yo wa sephiri. “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo.” “Gomme ka gona Lentšu la ba nama gomme la dula magareng ga rena.” Swara seo fao bjale, elang hloko.

57 Sa Gagwe—sa Gagwe sephedi sa mathomo e bile Moya, Modimo, wa ka godimo ga tlhago, ka moka gabotse, Bokagosafelego mo gogolo. Sa bobedi, A thoma go ipolela ka Boyena go ya nameng, ka go *theophany*, e bitšwa “Lentšu; mmele.” Le ka gona ke leemo le A bego a le ka go lona ge A kopana le Abraham, a bitšwa Melekitsedeke. O be a le ka lepopo la theophany. Bjale re tla ya go seo gomme re se kgonthiše ka metsotsong e se mekae, Morena ge a rata. O be a le Lentšu.

58 Theophany ke selo se sengwe se o ka se kgonego go se bona. E ka kgona go ba mo thwi bjale, go le bjalo o ka se kgone go bona.

Go no swana le, go lokile, bjalo ka thelebišene. Se se ka sekgaong se sengwe. Thelebišene; batho ba sepela thwi go kgabola kamora ye bjale, ba opela; fao go na le mebala, gape. Eupša leihlo le ithekgile feela go dikwi tše tlhano. . .Bowena bjohle bo ithekgile feela go dikwi tše tlhano, ke ra gore. Gomme o nno ithekgile feela go se pono e beetšwego go se bona. Eupša fao go na le sekgao se sengwe gape se se ka kgonago go bonwa ka phetogo, ka thelebišene.

59 Bjale, thelebišene ga e kgone go bopa senepe. Thelebišene e no se gapela feela ka kanaleng go ya ka go sekete, gomme ka gona sekirini sa thelebišene sa se topa. Eupša senepe se fao, sa mathomo. Thelebišene e be e le mo ge Adama a be a le mo. Thelebišene e be e le mo ge Eliya a be a dutše Thabeng ya Karamela. Thelebišene e be e le mo ge Jesu wa Natsaretha a sepela lešing la Galelia. Eupša le no e utolla bjale. Ba be ba ka se e dumele morago kua. O be o tla be o gafa go bolela selo sa go swana le yona. Eupša bjale e tlile ya ba nnete.

Gomme bjale ke yona, gore Kriste o mo, Barongwa ba Modimo ba mo. Gomme letšatši le lengwe, ka go Miliniamo wo mogolo wo o tlogo, e tla no ba nnete kudu go feta thelebišene goba eng kapa eng gape, ka baka la gore ba mo.

⁶⁰ O ikutolla ka Boyena ka sebopego se segolo sa Gagwe sa seo A se tleleimago, bjalo ka Yena *en morphe* ka Boyena ka go bahlanka ba Gagwe gomme o ikgonthiša ka Boyena.

⁶¹ Bjale, šo Yena o ka sebopego sa Moya. Gomme ka gona O tla ka sebopego sa . . . sa *en morphe*. Bjale, O tšweletše go Abraham, *en morphe*. Ge Abraham a bowa go gagara dikgoši, mo go tla Melekitsedeke, a bolela le Yena.

⁶² Letšatši le lengwe ka pampiring ya ka Tucson, ke be ke bala athikele gore fao go be go le mo—mosadi a otlela go theoga tsela, ke a dumela e ka ba ka masomenne, masometlhano a dimaele ka iri, gomme a thula mokgalabje a apere jase. O ile a goelela gomme a emiša koloi ya gagwe. E ile ya mo lahlela ka moyeng. Thwi ka ntle ka leganateng la molaleng! Gomme a kitimela morago go ya go mo hwetša, gomme o be a se gona fao. Ka fao o ile a dira eng? Batho ba bangwe ka morago ga gagwe ba e bone ge e direga, ba bone mokgalabje a fofela godimo ka moyeng, le jase ya gagwe e retologa. Ka fao ba kitimela morago go nyakišiša. Ga se ba ke ba hwetša monna gohle. Ba bitša maatla a sephodisa. Maphodisa ba tla ntle go hlahlofa lefelo; fao go be go se motho.

⁶³ Go lokile, yo mongwe le yo mongwe wa bona o ile a paka, “Koloi e rorile, ya thula monna. O ile godimo ka moyeng, gomme yo mongwe le yo mongwe o e bone.” Dihlatse, gomme tše pedi goba tše tharo dikoloi tša merwalo ya bona, ba e bone e direga. Gwa tla go hwetšega, mengwaga ye mehlano ya go feta, fao go bile mokgalabje yo a bego a apere jase, o thutšwe gomme a bolawa lefelong le le swanago.

Ge o tloga mo, ga se wa hwa. O swanetše go bowa morago, le ge o le modiradibe, gomme o ahlolwa go ya ka ditiro tše di dirilwego ka mmeleng. “Ge tabarenekele ye ya lefase e phušulwa, re na le ye tee e letetše.” *En morphe*, leo ke lentšu.

⁶⁴ Bjale, Modimo, ka legatong le la . . . Ke legato la tlhola ya Gagwe, morago a bopelwa ka go nama, Jesu. Go tšwa go eng? Go tšwa mathomong a magolo, Moya, wo ka gona o tlilego fase go ba Lentšu, le itliša ka Bolona ntle. Lentšu ga le itire ka Bolona, le no bolellwa ntle, *en morphe*, morago O tla go ba nama, Jesu, yo a hwago, go latswa lehu bakeng sa rena ka moka badiradibe.

⁶⁵ Ge Abraham a kopana le Yena, O be a le Melekitsedeke. O tatolla mo seo ka moka dikgopolo di tla se dirago ka go makgaolakang a mafelelo, morwa yo mongwe le yo mongwe wa Abraham. Morwa yo mongwe le yo mongwe wa Tumelo o tla dira ka go felela selo se se swanago. Eupša ke nyaka go hlokomela ka fao re tlogo go tla.

⁶⁶ Gape, re Mmona a utollwa mo ka go Ruth le—le Boaz, bjalo ka Molopolodi wa Leloko, ka fao A bego a swanetše go tla go ba nama.

67 Bjale re bona mogopolo, barwa ba Moya wa Gagwe, ga se ba be ba tsena ka go mmele wa sebopego-sa Lentšu. Eupša, theophany; mmele wo o laolwa ke Lentšu le tiišetšo, o letetše tiišetšo, go fetoga ga mmele.

68 Bjale, phapano gare ga Gagwe le wena, bjalo ka morwa. Le a bona, O be a le, mathomong, Lentšu, *en morphe* mmele. O tlile gomme a phela ka go woo, ka Mothong wa Melekitsedeke. Ka gona, morago, ga se ra hlwe re ekwa gape ka Melekitsedeke, ka baka la gore O tlile a ba Jesu Kriste. Melekitsedeke e be e le Moprista, eupša A tla a ba Jesu Kriste. Bjale, le fetile seo. Ka baka la gore, ka lebopong leo, O be a tseba dilo ka moka, gomme ga se la ke la kgona go tseba seo go le bjalo.

Le tlile bjalo ka Adama, bjalo ka nna, le tlile go tšwa kgopolong go ya nameng, go lekwa. Eupša ge bophelo bjo bo fedile mo, “Ge tabarenekele ye ya lefase e phušulwa, re na le ye tee e šetšego e letetše.” Fao ke mo re yago; leo ke Lentšu. Ka gona re ka kgona go lebelela morago gomme ra bona se re se dirilego. Bjale ga re kgone go e kwišiša. Ga se ra ke ra ba Lentšu; re sa tšwa go ba motho-nama, e sego Lentšu.

69 Eupša, gomme lebelela, ka go hlweka e dire e hlweke, o ka se tsoge wa ba Lentšu ntle le ge o be o le kgopolo mathomong. Seo se kgonthiša kgethelopele ya Modimo. Le a bona? O ka se be Lentšu ntle le ge o le mogopolo. O swanetše go ba ka monaganong, pele.

Eupša, o a bona, gore o emele moleko, o swanetše go feta theophany. O swanetše go tla fase mo ka nameng, go tla go lekwa ke sebe. Gomme ka gona, ge o ema, “Ka moka ba Tate a Mphilego ba tla tla go Nna, gomme Ke tla ba tsoša ka matšatšing a mafelelo.” Le a bona, o swanetše go ba pele.

70 Gomme ka gona, le a bona, O tla thwi fase, llaene ya go tlwaelega, go tšwa go kgopolo go ya go . . . Pele ga go thewa ga lefase, leina la gagwe le beilwe godimo ga Puku ya Bophelo ya Kwana. Ka gona, go tloga go yeo, O ba Lentšu, theophany, yeo e ka kgonago go tšwelela, ya timelela. Gomme ka gona A ba nama gomme a gomela morago gape, a tsoša wona mmele wo o swanago ka leemong la go tagafatšwa.

Eupša o fetile theophany gomme wa ba motho-nama, go lekwa ke sebe. Gomme ka gona, “Ge tabarenekele ye ya lefase e thubja, re na le ye tee e šetše e letile.” Ga se ra be ra ba le mebele bjale.

71 Eupša, lebelelang! Ge mmele wo o amogela Moya wa Modimo, Bophelo bjo bo sa hwego ka gare ga gago, o lahlela mmele wo ka boineelong go Modimo. Haleluya! “Yo a tswetšwego ke Modimo ga a dire sebe; ga a kgone go dira sebe.” Baroma 8:1, “Fao ka gona bjale ga go sa na le go lahlwa

go ba e lego ba Kriste Jesu; ga ba sepele ka morago ga nama, eupša ka morago ga Moya.” Fao ke lena. Le a bona, seo se lahlela mmele wa gago boineelong.

Ga wa swanela gore o re, “Oo, ge nka no kgona go tlogela go nwa! Ge nka no kgona . . .” E no tsena ka go Kriste, gomme ka moka go ile, le a bona, le a bona, ka baka la gore mmele wa gago o ineetše go Moya. Ga o sa ineetše go dilo tša lefase; di hwile. Di hwile; dibe tša gago di bolokilwe ka kolobetšong, gomme o sebopša se seswa ka go Kriste. Gomme mmele wa gago, o tla go ineela go Moya, go leka go phela mohuta wa bophelo bja go loka.

⁷² Go swana le lena basadi le teleimago gore le na le Moya wo Mokgethwa, gomme le ya ka ntle mo gomme le tšwele dišothi le dilo, le ka kgona go dira seo bjang? Moya wa Modimo ka go lena o ka kgona bjang go le dumelela go dira dilo tše bjalo ka tšeo? Go ka se kgone go ba bjalo. Nnete, go ka se kgone go ba. Yena ga se moya wa bohlaswa; Yena ke moya wo Mokgethwa.

⁷³ Gomme ka gona ge o etla go ineela go Moya woo, se lahlela bowena bjohle go ineela go Moya woo. Gomme Moya woo ga se selo lefaseng eupša Peu Lentšu ye e bonagetšego, goba e phedišwa, haleluya, e ntira gore ke phele. Gomme ge Beibele e rile, “O se ke wa dira se,” mmele woo ka pela o retologela go Wona. Fao ga go potšišo.

Gomme ke eng? Ke tiišetšo ya tsogo. Mmele wo o tla tsošwa gape, ka baka la gore e šetše e thomile. Nako ye nngwe o be a ineetše sebeng, le togotogo le tshenyego, eupša bjale o na le tiišetšo; o retologetše Legodimong. Bjale, yeo ke tiišetšo ya gore o ya ka Tlhatlogong. Ke tiišetšo.

⁷⁴ Motho wa go babja o robetše, o a hwa, ga se gwa šala selo eupša lehu; seo ke ka moka se ka kgonago go direga. Ke bone merithi ya batho, ba jelwe ke kankere le bolwetši bja mafahla; gomme ke bone batho, lebakana le lennyane ka morago ga fao, ba boetše sekeng ba tiile ka go phethagala. Ge fao go se phodišo ye Kgethwa, gona fao ga go tsogo, ka baka la gore phodišo ye Kgethwa ke tiišetšo ya tsogo. Amene!

⁷⁵ Le a tseba gore tšhelete ya tiišetšo ke eng, a ga le tsebe? Ke tefo ya pele. “O gobaditšwe ka baka la dikarogo tša rena; ka megogoma ya Gagwe re fodišitšwe.” Elang hloko ka mo go makatšago! Re a Mo rata.

⁷⁶ Bjale, mmele wo o ineetše go Moya. Ga se wa be wa tsena ka go sebopego sa Lentšu, eupša re sa le ka sebopegong sa nama, eupša re ineetše go Lentšu. Lehu ka nameng le tla re tšeela moo.

⁷⁷ Selo sa go swana feela, nagana ka lesea le lennyane. O ka kgona go tšea mosadi, ga go kgathale gore ke yo mobe bjang, ge a imile gomme a lokišetša go ba mme. Hlokomela, pele lesea leo le belegwa, ga ke tshwenyege gore mosadi ke yo mošoro bjang, o ba yo botho ka nnete. Fao go na le selo se sengwe ka

yena se kwagala . . . se bonagala bomodimo, go bona mme yo monnyane a lokišetša go ba mme, ka lesea. Ka baka la eng e le bjalo? Mmele wo monnyane wola, bjale, ga se wa be wa phela bjale, le a bona, selo se nnoši e lego sona e no ba nama le mešifa. Motabogo wo monnyane wola, seo e no ba mešifa e a šišinyega. Eupša ge le etla pele go tšwa popelong, Modimo o budulela mohemo wa bophelo ka go lona, gomme ka gona o goellela ntle. Le a bona, feela ka—ka nnete ka fao go lego mmele wa tlhago o hlolegago, fao go na le mmele wa semoya go o amogela ge o fihla mo.

⁷⁸ Ka gona, ge motho a tswalwa gape, go tšwa Legodimong, o ba lesea la semoya ka go Kriste.

Gomme, ka gona, ge seaparo se sa nama se ewa, fao go na le mmele wa tlhago, theophany, mmele wo o sa dirwago ka diatla, goba go tswalwa ke mosadi, wo re yago go wona.

Ka gona mmele wo o bowa morago gomme o tšeela mmele wa letago godimo.

Ke ka baka leo Jesu o ile heleng ge A ehwa, gomme a rerela disoulo tše di bego di le ka kgolegong; a boela morago ka go theophany yela. Oo, bothakga! Leboga Modimo!

⁷⁹ Babobedi Bakorinthe 5:1, “Ge mmele wo wa lefase o phušulwa, tabarenekele ye ya lefase, re na le wo mongwe wo motee.” Le a bona, re fetile woo, go tla thwi go tšwa go Modimo, kgopolo; go ba nama, go tla go lekwa le go lekwa ke sebe, bjalo ka ge Adama a dirile. Eupša ge teko ya Lentšu la Gagwe e fedile, gona re tšeelwa godimo go ya go mmele wo o lokišeditšwego rena pele ga go thewa ga lefase. Ke Lentšu leo kua re le tabogilego, go tla thwi go rarela, tlase mo go lekwa le go lekwa. Ge nkabe re tlile go kgabola woo, fao nkabe go se moleko; nkabe re tseba dilo ka moka. Ke ka baka leo Jesu a bego a tseba dilo ka moka, ka baka la gore O be a le Lentšu pele A eba nama. Ka gona re ba Lentšu.

⁸⁰ Mo re bopelwa seswantšhong sa Lentšu, go ba motšeakarolo wa Lentšu, re iphepa ka Lentšu, ka go ba ba bakgethetšwegopele go tloga mathomong; o a e bona tlhase ya Bophelo ye nnyane o nago le yona go tloga mathomong, ge o be o thoma leeto la gago. Ba bantši ba lena ba ka kgona go e elelwa. O tšoenne *ye* kereke gomme wa tšoenne *yela* kereke, o lekile *ye* le *yela*; ga go selo sa go kgotsofatša. Seo ke therešo. Eupša letšatši le lengwe o ile wa no Le lemoga. Therešo.

⁸¹ Bošego bjo bongwe ke be ke ruta felotsoko, ke nagana gore e be e le ntle ka California goba Arizona, e ka ba . . . Ke a dumela ke boletše setori se sennyane mo, ka monna yo a go bea sethole gomme a ba le lee la ntšhu ka fase ga sona. Gomme ge ntšhu yeo e phaphašwa, e be e le nonyana ya go lebelelega go segiša segišisegišisegiši yeo wona mantswiana a kilego a e bona. Eupša, e be e sepela go dikologa. E be e le—e le ya sekobo

e tee magareng ga tšona, ka baka la gore e be e sa kgone go kwišiša ka fao sethole se kekeretšago le go ngapa mokgobo wa manyoro le go ja. E be e sa kgone go hwetša kgopolo. Se be se re, “Etla godimo gomme o keteke, hani!” Eupša, e be e le ntšhu; e be e no se je ka mokgwa woo. E be e se sejo sa yona.

⁸² Ka fao se be se swara ditšie le go feta, le a tseba, le go bitša mantswiana a manyane. Gomme wona ka moka mantswiana a manyane a be a eya mmogo, a kekeretša mmogo, le go ja. Eupša ntšhu ye nnyane e be e no se kgone go e dira. E be e sa—e sa lebelelege gabotse go yona.

Ka fao letšatši le lengwe mmago yona a tla a e tsoma.

⁸³ Gomme e be e kgona go kwa sethole sela se kekeretša. E be e leka bokaonekaonekaone bja yona go kekeretša, eupša e be e sa kgone go e dira. O lekile go lla bjalo ka lentsuana, eupša e be e sa kgone go e dira. Le a bona, e be e le ntšhu. O, sa mathomo, e be e le ntšhu. E be e nno phaphašwa ka fase ga sethole.

Seo se swana le a mangwe a maloko a kereke. Tše dingwe. . . E ka ba tsela ye e le; e ka ba yo motee yo ka ntle ga go alamela, ke gabotse.

⁸⁴ Eupša letšatši le lengwe mmago yona ya fofa bokagodimo, gomme ya goeletša. Ya e lemoga. Yeo e be e kwagala gabotse. Ka baka la eng? E be e le ntšhu, sa mathomo.

Yeo ke tsela ye e lego ka gona ka Ebangedi, goba Lentšu, goba Maatla a Jesu Kriste. Ge motho a kgethetšwepele go ya Bophelong bjo Bosafelego, o kwa therešo yeo e lla, kgoeletšo ya Modimo, ga go selo se ka mo thibelago go go Yona.

Kereke e ka re, “Matšatši a mehlolo a fetile,” koro, koro, koro. “Ema mo gomme o je se, gomme ema mo gomme o je sela.”

⁸⁵ Dilo tšela tša ka bobolokelong di ka se šome go yena, gape. O ile! “Dilo ka moka di a kgonega!” O tloga mobung.

Yeo ke lebaka leo, bothata ka Bakriste ba bantši lehono, ga ba kgone go tloša maoto a bona go tloga fase.

Mme wa kgale o rile, “Morwa, taboga! Ke wena ntšhu. Etla godimo mo fao ke lego.”

A re, “Mme, ga se kake ka taboga, ka bophelong bja ka.”

⁸⁶ A re, “Go lokile, taboga! Ke wena ntšhu, sa mathomo. Ga se wena lentswiana.” Ka fao ya dira motabogo wa yona wa mathomo gomme ya šišinya diphego tša yona; ya se ke ya dira gabotse kudu, eupša ya tloga fase.

Yeo ke tsela ye re dirago. Re amogela Modimo ka tumelo, ka Lentšu le le ngwadilwego. Fao go na le selo se sengwe ka fao; ke Bophelo bjola bjo Bosafelego. O kgethetšwepele go ya go bjona.

⁸⁷ Rakgolwage le makgolwage e be e le dintšhu. O be a le ntšhu, tsela ka moka morago. Dintšhu ga di tswakane le dilo tše dingwe. Ga se motswako; aowa. Ke ntšhu.

⁸⁸ Ka gona, ka morago ga go lemoga lona Lentšu la Modimo gore e be e le Dijo tša Ntšhu, ka gona o tlogetše selo se sengwe. O bopetšwe ka seswantšhong sa go phela sa Modimo yo a phelago. O kwele go tšwa go theophany ya gago. “Ge mmele wo wa lefase o phušulwa, re na le wo motee o letile.”

Le re, “A ke therešo, Ngwanešu Branham?”

Ka moka gabotse, a re tšeeng dintšhu di se kae gomme re di lebelele metsotso e se mekae. Fao go be go le leina, monna yo a bitšwago Moshe. Yo mongwe le yo mongwe o a tseba gore moporofeta o bitšwa ntšhu, ka Beibeleng.

⁸⁹ Fao go be go na le moporofeta yo a bitšwago Moshe. Gomme letšatši letee Modimo a mmitša, gomme o be a sa kgone go mo tlogela go ya ka nageng ya kuwa, gomme o—o hlokofetše Leswikeng. Barongwa ba mo tšere gomme ba mmoloka.

Fao go be go le monna yo mongwe, ntšhu, ebile ga se a ke a swanela go hwa. O ile a sepela go tshela Jordane, gomme Modimo a romela koloi fase; gomme a lahla kobo ye ya nama, gomme a tsoga gomme a swara poreisi ya go ya go ile.

Mengwaga ye makgoloseswai ka morago, mengwaga ye makgoloseswai ka morago, Thabeng ya Phetogelo, mo go be go eme banna ba babedi bao. Mmele wa Moshe o be o bodile makgolo a mengwaga, eupša mo o be a le ka lebopo leo go fihla le Petro, Jakobo, le Johane ba mo lemoga. Amene! “Ge tabarenekele ye ya lefase e phušulwa,” ge o le kgopolo ya Modimo ye e tšweleditšwego mo lefaseng, “o na le mmele o letetše ka morago ga ge o tlogetše lefase le.” Ba be ba le fao, ba eme Thabeng ya Phetogelo, ka gare ga ditheophany tša bona. Ka gore, e be e le baporofeta bao Lentšu le tlligelo go bona.

⁹⁰ Gape a re eleng hloko moporofeta yo mongwe, nako ye tee, ka leina la Samuel. O be a le monna yo mogolo. O be a rutile Israele; a ba boditše gore ba be ba se ba swanela go ba le kgoši. O rile, “A nkile ka le botša selo se tee ka Leina la Morena eupša se se tlogo go phethega?”

Ba re, “Aowa. Selo se sengwe le se sengwe se ka mehla o se boletšego ka Leina la Morena se tla go phethagala.”

O be a le moporofeta, gomme a hwa.

⁹¹ E ka ba mengwaga ye meraro goba ye mene ka morago, kgoši a tsena bothateng; fao ke pele Madi a Jesu Kriste a tšhollwa. O be a le parateising. Gomme moloi wa Endora o ile a bitša yo mongwe gore a tle, gomme a homotša Saulo. Gomme ge moloi a mmona a emela godimo, a re, “Ke bona modimo a tsoga go tšwa lefaseng.”

⁹² Gomme ka morago ga ge monna a hwile, a bolokilwe, gomme a bodile ka lebitleng, šo o be a eme ka fale ka leweng lela, a apere diaparo tša gagwe tša moporofeta; gomme o be a sale moporofeta, amene, ka gore o rile, “Ka baka la eng o mpitša go tšwa khutšong

ya ka, ka go bona gore o bile lenaba la Modimo?” Mmoneng ge a porofeta. “Bosasa bošego, ka nako ye, o tla ba le nna.” O be a sa le moporofeta, le ge a tlogile go tšwa mmeleng wo.

Le a bona, o be a tlile mo gomme o be a le karolo ya Lentšu leo, gomme o be a tsene go tšwa go bophelo bja nama morago go ya ka mmeleng wo o bego o lokišeditšwe yena pele ga go thewa ga lefase. O tsene ka go theophany, e bego e le Lentšu. Le a e hwetša? Fao ke mo ka moka badumedi ba yago ge re retologa go tloga mo.

⁹³ Ka gona, ka lebopong leo, seširo gona se tlošitšwe. O a bona, o Lentšu, le wena, ge o tsena ka go ka fao. Bjalo ka lesea le lennyane; ke boletše lebakana la go feta . . .

⁹⁴ Bjale elang hloko. Tumišang Modimo ka go bulwa ga Mahuto a, ke thapelo ya ka, go tseba dilo tše!

⁹⁵ Bjale kutollo ya therešo ya Melekitsedeke e tla ponagalong. Eng? O be a le Modimo, Lentšu, pele A eba nama; Modimo, Lentšu. Ka baka la gore, O be a swanetše go ba; ga go le yo motee gape a bego a ka kgona go se hwe go swana le Yena. Le a bona, ke bile le tate le mme; le dirile, le lena. Jesu o bile le tate le mme. “Eupša Monna yo o be a se na le tate, goba o be a se na le mme.” Jesu o bile le nako ye A thomilego; Monna yo ga se a ke a eba. Jesu o file bophelo bja Gagwe; Monna yo ga se a kgona, ka baka la gore O be a le Bophelo. Gomme ke Monna yo a swanago ka boyena nako ka moka. Ke a holofela Modimo o e utolla go lena. Motho yo a swanago ka boyena, nako ka moka.

⁹⁶ Elang hloko thaetlele ya Gagwe, “Kgoši ya toko.” Bjale, Baheberu 7:2, “Kgoši ya toko, le Kgoši ya khutšo.” Ke Yena dikgoši tše pedi fao. Bjale mola, Baheberu 7:2, “Kgoši ya toko, gape le Kgoši ya khutšo,” Ke yena dikgoši tše pedi fao. Bjale mola A tlilego nameng gomme A amogela mmele wa Gagwe godimo, ka go Kutollo 21:16, O bitšwa, “Kgoši ya dikgoši.” O ka moka boraro bja tšona, mmogo. Le a bona, Kgoši Modimo, Kgoši Theophany, Kgoši Jesu. “Ke Yena Kgoši ya dikgoši.”

Ka moka e kopane, bjalo ka soulo, mmele, le moya, ka moka di tla go dira se setee.

⁹⁷ Gape, Ke Tate, e bego e le wa pele; Morwa; le Moya wo Mokgethwa, Moya.

“Kgoši ya toko,” kgopolo ya Moya; theophany, “Kgoši ya—ya khutšo,” theophany; gomme ka nameng O be a le “Kgoši ya dikgoši,” Motho yo a swanago.

⁹⁸ Ge theophany, Moshe o Mmone, Ekisodo 33:2, O be a le theophany. Moshe o be a nyaka go bona Modimo. O ile a kwa lentšu la Gagwe, a Mo kwa a bolela le yena, a Mmona ka sethokgweng kua, bjalo ka Pilara ye kgolo ya Mollo. Gomme a re, “O Mang? Ke nyaka go tseba gore O Mang.” Moshe a bolela. “Ke tla bea . . .” “Ge O ka ntumelela ka Go bona, ke rata go bona sefahlego sa Gago.”

⁹⁹ A re, “Ga go motho yo a ka kgonago go bona sefahlego sa Ka.” A re, “Ke tla bea seatla sa Ka godimo ga mahlo a gago, gomme Ke tla feta kgauswi. Gomme o tla kgona go bona magetla a Ka, eupša e sego sefahlego sa Ka.” Le a bona? Gomme ge A dirile, e be e le magetla a Monna; e be e le theophany. Ka gona ge Lentšu le etla go Moshe, “KE NNA,” leo e be e le Lentšu. Lentšu le tlile go Moshe ka sebopego sa Pilara ya Mollo ka sethokgweng se se tukago, “KE NNA.”

¹⁰⁰ Bjale ka Lentšu go tšwa sekolong sa boithutamodimo. . . go tšwa go theophany, ke ra gore. Ntshwareleng. O tlile go Abraham bjalo ka Monna, ka fase ga mohlare wa moouku. Bjale lebelelang fao. Fao go tlile Monna go Abraham, ba bararo ba bona, gomme ba dula fase ka tlase ga mohlare wa moouku, ba bararo ba bona. Gomme elang hloko, ka morago ga ge A boletše le Abraham. . .

¹⁰¹ Ka baka la eng A tlile? Abraham, e lego yo motee a nago le tshephišo le molaetša wa morwa yo a tlogo, gomme gape o be a le moporofeta-Lentšu la Modimo yo a bego a tshepha Lentšu la Modimo, a bitša se sengwe le se sengwe mo o ka rego se be se se gona. Le bona ka fao Lentšu le phethagetšego ka gona? Lentšu le tlile go moporofeta. Le a bona, fao go be go le Modimo ka go theophany. Gomme Beibele e rile, “Lentšu le tla go moporofeta.” Gomme mo go be go le—Lentšu ka go theophany.

Bjale le re, “A yoo e be e le Modimo?”

¹⁰² Abraham o boletše gore e be e le yena. O boletše gore leina la Gagwe, e be e le, o Mmeditše Elohim. Bjale ka go Genesi 1, le hwetša gore, “Mathomong *Elohim* o hlotše magodimo le lefase.” Ka go Genesi 18, re hwetša gore—gore Abraham o beditše Motho yo. . .yo a bego a dutše fale gomme a bolela le yena, gomme a kgona go bolela diphiri tša pelo ya gagwe, a mmošša se Sarah a bego a se nagana ka morago ga Gagwe. Abraham o boletše gore, “Ke Elohim.” O be a le ka sebopego sa theophany. Le a e hwetša? Elang hloko ka morago. . .

¹⁰³ Bjale re a hwetša nako yeo gore O be a le ka sebopego sa theophany. O Mmeditše, “Morena Modimo, Elohim.” Bjale, ka go Genesi 18, re hwetša gore seo e be e le therešo.

¹⁰⁴ Bjale ela Abraham hloko. Fao go be go le ba bararo ba bona mmogo, eupša ge Abraham a kopana le ba bararo, o rile, “Morena wa ka.”

Eupša ge Loto, tlase ka Sodoma; ba babedi ba bona ba ile tlase kua, gomme Loto o bone ba babedi ba bona ba etla, gomme a re, “Barena ba ka.” Le a bona, bothata e be e le eng? Lefelo la pele, Loto e be e se moporofeta, seo ke therešo, ebile e be e se motseta wa iri, ka fao o be a se na le kutollo ye e itšego ka Yena. Seo ke therešo tlwa. Loto o ba beditše “barena.” Tasene ya bona, o be a ka no re, “barena.”

Eupša ga go kgathale gore Abraham o bone ba bakae, E be e sa no ba Morena yo motee. Fao go na le Modimo. Yo e be e le Melekitsedeke.

¹⁰⁵ Elang hloko, ka morago ga ge ntwa e fedile, Melekitsedeke o file ngwana wa Gagwe yo a fentšego selalelo; nagana ka seo, karolo ya Gagwemong! Bjale re nyaka go bona mo. Ka seswantšho mo ke, ponagalo, selalelo. Ka morago ga ntwa, O file Boyena, ka baka la gore selalelo ke karolo ya Kriste. Gomme ka morago ga ge go katana go fedile, ka morago ga ge o dirile o otletšwe ntle ka bowena, ka gona ke mo o tšeago karolo ya Kriste, o ba karolo ya Sephedi se. Le a e hwetša?

¹⁰⁶ Jakobo o phetlane bošego ka moka, gomme ga se a ke a Mo tlogela go fihla A mo šegofatša. Seo ke therešo. Ntwa go lwelwe ya Bophelo! Ka morago ga ge ntwa e fedile, ka gona Modimo o go neela Boyena. Seo ke selalelo sa therešo sa Gagwe. Borotho bjo bonnyane le senkgwana di no emela Sona. Ga se wa swanela go se ja ntle le ge o e katanetše ntle gomme wa ba karolo ya Modimo.

¹⁰⁷ Elelwang, ka nako ye, selalelo se be se se sa be sa hlongwa, e sego go fihla pele ga lehu la Jesu Kriste, makgolo le makgolo le makgolo a mengwaga ka morago.

¹⁰⁸ Eupša Melekitsedeke, ka morago ga ge ngwana wa Gagwe Abraham a thophile phenyo, Melekitsedeke o kopane le yena gomme a mo fa beine le borotho; go laetša gore ka morago ga ge ntwa ye ya lefase e fedile, re tla kopana le Yena ka magodimong gomme ra ja selalelo gape. E tla ba Selalelo sa Lenyalo. “Nka se ke ka nwa beine gape, goba go ja seenywa, go fihla ke se ja le go se nwa le lena, ka boswa, ka Mmušong wa Tate wa Ka.” A seo ke therešo?

¹⁰⁹ Elang hloko gape, Melekitsedeke o ile go kopana le Abraham pele a fihla morago gae. A seswantšho se sebotse se re nago le sona mo! Melekitsedeke a gahlana le Abraham pele a fihla morago gae, ka morago ga ntwa.

Re kopana le Jesu ka moyeng, pele re fihla Gae. Seo ke therešo. Babobedi Bathesalonika e re botša seo, ka gore, “re kopana le Yena ka moyeng.” Seswantšho se sebotse sa Rebeka a kopana le Isaka, ke tšhemong, ka botšididing bja letšatši. “Re kopana le Yena ka moyeng.” Babobedi Bathesalonika e re botša bjalo. “Ka gore rena ba re phelago gomme re šetše re ka se ke ra thibela goba ra šitiša bao ba robetšego; ka gore phalafala ya Modimo e tla lla; bahu ba ba lego ka go Kriste ba tla tsoga pele; rena ba re phelago gomme re šetše re tla tšeelwa godimo ga mmogo le bona, go gahlanetša Morena ka moyeng.” Ka go phethagala, ka moka diswantšho tše.

¹¹⁰ Ka fao, theophany, ge o hwile gomme wa tsena ka go theophany yeo, (go direga eng?) theophany e tla lefaseng go tšeela godimo mmele wo o loplotšwego. Gomme ge o le mo ka

moyeng, o tšea mmele go gahlanetša theophany, ka fao o gona, “gomme o tšeelwa godimo, go ya go gahlanetša Morena ka moyeng.”

¹¹¹ Melekitsedeke ke mang ge e se Modimo!

¹¹² Bjale re bona mo pepeneneng sephiri sa go felela sa maphelo a rena ka leetong, le lehu, le moo re yago ka morago ga ge re hwile. Gape, kgethelopele e ponagalong ya pepeneneng mo. Bjale theeletšang ge re ruta se, sekgauswi.

¹¹³ Magato a—a morero wa ka Gosafelego wo A bego a na le wona ka go sephiri sa Gagwe bjale o utollotšwe. Elang hloko, fao go sa na le magato a mararo a go ya phethagalong. Go no swana le ka fao A lopolotšego lefase; O lopolla Kereke ya Gagwe ka tsela ye e swanago. O lopolla batho ka magato a mararo. Bjale lebelelang. La mathomo ke tokafatšo, bjalo ka ge Luther a rerile; la bobedi, tlhwekišo, bjalo ka ge Wesley a rerile; la boraro, kolobetšo ya Moya wo Mokgethwa. Seo ke therešo. Ka gona go tla Tlhatlogo!

¹¹⁴ Bjale, lefase, O lopolotše lefase bjang? Sa mathomo, se A se dirilego, ge le dirile sebe, O le hlatswitše ka meetseng a kolobetšo. Seo ke therešo. Ka gona A rothišetša Madi a Gagwe godimo ga lona, go tšwa sefapanong, gomme a le hlwekiša gomme a le bitša la Gagwe Mong. Gomme ka gona O dira eng? Ge A kgeila ka moka lefase go tšwa go wena, gomme a mpshafatša selo sohle ka kolobetšo ya mollo wa Moya wo Mokgethwa, gape o tla mpshafatša lefase. Gomme le tla swa godimo ga Mollo, gomme wa hlwekiša twatši ye nngwe le ye nngwe, dimilione tša dimaele godimo, selo se sengwe le se sengwe se tla hlwekišwa go tlošwa. Gomme ka gona fao go Legodimo le Leswa le Lefase le Leswa, go no ba bjalo ka ge o eba sebopša se seswa ka go Kriste Jesu ge Moya wo Mokgethwa o tšea go go swara. Le a bona, fao ke wena, selo sohle se no ba pepeneneng ka mo se ka kgonago. Selo se sengwe le se sengwe se ka boraro.

¹¹⁵ Tswalo ya tlhago e ka boraro. Selo sa mathomo se se diregago ke eng ge mosadi a eba le lesea? Go thubega eng la mathomo? Meetse. Go thubega eng go latela? Madi. Tiragalotšwelopele ye e latelago ke eng? Bophelo. Meetse, madi, moya.

Go direga eng go semela? Se a bola. Selo sa mathomong ke eng? Lehlaka. Sa go latela ke eng? Lenono. Sa go latela ke eng? Mooko. Ka gona thoro e tla ntle go tšwa go woo. E no ba magato a mararo a sona, go fihla se hwetša thoro. Seo ke tlwa.

¹¹⁶ Modimo o hlatsela seo. Seo ka mehla e bile therešo. Modimo o se hlatsela go ba therešo. E laetša pepeneneng, go mokgethelwapele ke yena a nnoši a elwago šedi ka topollong. A o e hweditše? E re ke e bolelele gape. Bakgethelwapele ke bona ba nnoši ba elwago šedi ka topollong. Batho ba ka no ba ba dira go swana, ba nagana gore ba, eupša topollo ya nnete

ke bao ba kgethetšwegopele. Ka baka la gore, lona lentšu go *lopolla* le ra “go bušetša morago.” A seo ke therešo? Go *lopolla* ke selo se sengwe. . . Go *lopolla* eng kapa eng, ke, go se “tliša morago go lefelo la sona la setlogo.” Haleluya! Ka fao ke feela babeelwapele ba ba tla tlišwago morago, ka baka la gore ba bangwe ga ba tšwe Fao. Le a bona, “go tliša morago!”

¹¹⁷ Go ba ka Gosafelego le Yena, mathomong. . . Bophelo bjo Bosafelego bjo re bego re na le bjona, mogopolo wa Gagwe wa se o bego o le sona, se nnoši, O be a go nyaka gore o . . . O be a nyaka gore ke eme ka phuluphithing, ke bolele. O be a no nyaka gore o dule ka setulong bošegong bjo. Ka gona re direla morero wa Gagwe wa ka Gosafelego. Gomme yo motee yo a tlogilego gae, o nno tla feela lefaseng go direla morero wa Gagwe. A seo ke therešo? Ka moka gabotse. Ka gona, ka morago ga ge o fedile, o tlišwa morago ka lemong la go tagafala; o godile gomme o tlišwa morago gape.

¹¹⁸ Ga go makatše ge Paulo a kgonne gore, ge ba be ba aga kota ye ba bego ba eya go ripa go tloša hlogo ya gagwe; o rile, “O lehu, lebola la gago le kae? O lebitla, phenyo ya gago e kae? Eupša a go lebogwe Modimo Yo a re fago phenyo!” O rile, “Lehu, mpotše fao o ka ntirago gore ke kgone go goelela! Lebitla, mpotše ka fao o yago go ntshwara! Ka gore, ke nna mong wa Bophelo bjo Bosafelego.” Amene! O ile a bo lemoga. Lehu, hele, lebitla, ga go selo se bego se ka kgona go mo swara. Gomme ga go selo se se ka kgonago go re gobatša, re na le Bophelo bjo Bosafelego! O ile a lemoga gore o be a šegofadišwe ka Bophelo bjo Bosafelego.

¹¹⁹ Go no swana le lerotholodi le lennyane la phoka. Ge ke kwišiša, ka. . . Ga ke tsebe kudu ka khemisitiri. Eupša, le swanetše go ba e le—e le go kgahla ga bošidi goba leratadima. Gomme ge bošego bo tonya le leswiswi, e wa go tšwa magodimong gomme e rothela godimo ga mobu. E wele go tšwa felotsoko. Eupša moso wo o latelago pele letšatši le etla godimo, e robetše fao, mothaka yo monnyane, o a roromela. Eupša e no dumelela letšatši le tle godimo, e bogele e ya go phadima. E thabile. Ka baka la eng? Letšatši le ya go e biletša thwi morago fao e tšwago.

Gomme go ka tsela yeo ka Mokriste. Haleluya! Re a tseba ge re sepelela ka Bogoneng bja Modimo, selo se sengwe ka go rena se a re botša gore re tšwa felotsoko, gomme re ya morago gape ka Maatla ao a re gogago.

¹²⁰ Lerotholodi le lennyane la phoka, le a phatsima le go phadima gomme le a goelela, ka gore le a tseba gore le tšwa godimo kua, gomme letšatši lela le ya go le gogela thwi morago godimo gape.

Gomme monna yo e lego kgopolo ya Modimo, a tswetšwe ke Modimo, o a tseba, haleluya, ge a etla go kgomana le Morwa

wa Modimo, o ya go gogelwa godimo go tloga mo letšatši le lengwe. “Ka gore ge Ke phagamišetšwa godimo go tloga lefaseng, Ke tla gogela ka moka banna go Nna.” Amene!

¹²¹ Bjale elang hloko, bjale, re bona Melekitsedeke le gore ke ka baka la eng Maria e be e se mme wa Gagwe. Ke ka baka leo A mmeditšego “mosadi,” e sego *mme*. “O be a se na le tate,” ka gore O be a le Tate, Tate wa ka go sa felego, ba bararo ka go yo Motee. “O be a se na le mme,” nnete aowa. O be a se na le tate, ka baka la gore O be a le Tate. Bjalo ka ge moreti a boletše nako ye nngwe, a bolela go rweša dipataka go Jesu, o rile:

KE NNA yo a boletšego le Moshe ka mollong
wa sethokgwa se se tukago,
KE NNA Modimo wa Abraham, Naledi ya
Moso ya go Kganya.
KE NNA Alefa, Omega, mathomo go tloga
mafelelong.
KE NNA tlhoho yohle, gomme Jesu ke Leina.
(Seo ke therešo.)
Oo, le re ke Nna mang, gomme ba re Ke tšwa
kae,
A le tseba Tate wa Ka, goba a le ka kgona go
bolela Leina la Gagwe? (Haleluya!)

¹²² Leo ke Leina la Tate! Ya, “Ke tla Leineng la Tate wa Ka, gomme ga le Nkamogele.” Le a bona? Nnete, O a swana maabane, lehono, le ka gosafelego.

¹²³ Gomme Melekitsedeke yo a ba nama. O ikutolotše ka Boyena bjalo ka Morwa wa motho ge A etla, bjalo ka Moporofeta. O tlile ka maina a mararo a Morwa; Morwa wa motho, Morwa wa Modimo, Morwa wa Dafida.

¹²⁴ Ge A be a le mo lefaseng, O be a le Monna, go phethagatša Lengwalo. Moshe o rile, “Morena Modimo wa lena o tla tsoša Moporofeta wa go swana le nna.” Ka fao O ile a swanela go tla bjalo ka Moporofeta. Ga se a ke, a tsoge a re, “Ke nna Morwa wa Modimo.” O rile, “Ke nna Morwa wa motho. A le dumela Morwa wa motho?” Ka baka la gore, seo ke se A bego a swanetše go paka ka sona, ka baka la gore ke se A bego a le sona.

Bjale O tlile Leineng le lengwe la morwa, Morwa wa Modimo; wa go se bonwe, Moya.

Gomme ge A etla gape, Ke Morwa wa Dafida, go dula godimo ga terone ya Gagwe.

¹²⁵ Bjale ge A be a le mo gomme a dirwa nama, O a bitšwa, “Morwa wa motho.” Bjale, O itirile bjang go tsebja ka Boyena go lefase bjalo ka Morwa wa motho, Moporofeta?

¹²⁶ Letšatši le lengwe ke be ke bolela setori sa Petro le Andria, ngwanabo. Ba be ba le barei ba dihlapa, gomme tatago bona

Jona e be e le modumedi wa go tšofala yo mogolo. Letšatši le lengwe ba re o ile a dula fase lehlakoreng la seketswana. A re, “Barwa, le tseba ka fao re rapetšego ge re be re nyaka hlapi.” E be e le banna ba barei ba go gweba ka hlapi. A re, “Re ile ra tshepha Modimo, Jehofa, bakeng sa go phela ga rena. Gomme ke a tšofala bjale; nka se dule le lena botelele kudu bašemane. Gomme ka mehla ke be ke, bjalo ka badumedi ka moka ba therešo, ke be ke lebeletše nako ya ge Mesia yo a tla tla. Re bile le ka moka mehuta ya ba maaka, eupša fao go tla yo Motee wa nnete, letšatši le lengwe.” Gomme a re, “Ge Mesia yo a etla, ga ke nyake gore lena bašemane le forwe. Mesia yo a ka se ke a no ba moithutamodimo. O tla ba Moporofeta, ka gore moporofeta wa rena Moshe, yo re mo latelago, o boletše.”

Bjale, Mojuda yo mongwe le yo mongwe o tla dumela moporofeta wa gagwe. O rutilwe go tseba seo. Gomme ge moporofeta a bolela eng kapa eng gore se bjalo, gona seo ke therešo. Eupša Modimo o rile, “Ge fao go na le yo motee magareng ga lena, e lego wa semoya, goba moporofeta, Nna Morena ke tla itira ka Bonna go tsebja go yena. Gomme se a se bolelago ge se etla go phethega, gona mo kweng gomme le mmoife; eupša ge se sa dire, gona le se ke la mmoifa le gatee.” Le a bona? Ka fao yeo e be e le—e le go hlatsetša moporofeta.

¹²⁷ “Ka fao Moshe ka nnete e be e le moporofeta yo a hlatsetšwego, gomme o rile, ‘Morena Modimo wa lena o tla tsoša, magareng ga lena, go tšwa go baena ba lena, Moporofeta wa go swana le nna. Gomme ka moka ba ba sa mo kwego ba tla kgaolwa go tšwa bathong.’” A re, “Bjale, bana, elelwang, seo, bjalo ka Baheberu, re dumela baporofeta ba Modimo ba ba hlatsetšwego.”

Bjale theetšang sekgauswi. Le se ke la e foša. Gomme o rile, “Ge Mesia a etla, le tla Mo tseba, ka gore O tla ba Moporofeta-Mesia. Bjale, ba rile e bile mengwaga ye makgolonne. Ga se ra ke re eba le moporofeta e sale go tloga ka Maleaki, eupša o tla ba!”

¹²⁸ Letšatši le lengwe, ka morago ga lehu la gagwe, mengwaga e se mekae, morwa wa gagwe Andria o be a sepela go bapela go theoga leši. Gomme a kwa monna wa lebelete go tšwa lešokeng, a re, “Yola Mesia o eme magareng ga lena bjale!” Ntšhu ye kgolo yela yeo e tsogetšego godimo ka lešokeng gomme ya fofela bogodimo ka kua, ya re, “Mesia o magareng ga lena thwi bjale. Ga re Mo tsebe go fihla bjale, eupša O eme magareng ga lena. Ke tla Mo tseba, ka baka la gore ke tla bona leswao le etšwa Legodimong.”

Letšatši le lengwe a re, “Fao, bonang, ke Kwana ya Modimo ye e tšea go tloša sebe sa lefase!”

Mowe a ilego. . . monna yo a tloga, go hwetša ngwanabo. A re, “Simone, ke nyaka gore o tle godimo mo; re dirile re hweditše Mesia.”

“Oo, tšwela pele, Andria! O tseba bokaonekaone go feta fao!”

“Oo, ke a tseba. Eupša, gore, Monna yo o fapane.”

“O kae? O tšwa kae?”

“Jesu wa Natsaretha.”

“ Yela ye nnyane, ye mpe toropokgolo? Ka baka la eng, A ka se kgone go tla go tšwa go le lebe, la ditšhila lefelo le le bjalo ka leo.”

“E no tla gomme o bone.”

129 Mafelelong o ile a mo phegelela go tla tlase letšatši le lengwe. Ka fao ge a etla pele ga Mesia, Jesu a ema fale, a bolela le batho. Ge a sepelela godimo pele ga Gagwe, A re, “Leina la gago o Simone, gomme o morwa wa Jona.” Seo sa e dira. O ile a hwetša dinotlelo tša go ya Mmušong. Ka baka la eng? O be a tseba gore Monna yoo o be a sa mo tsebe. Gomme O mo tsebile bjang, gomme tate yola wa go tšofala wa bomodimo o be a mo rutila mokgwa wa go dumela Mesia?

130 Fao go be go le monna a eme fao, ka leina la Filipi. Oo, o ile a thantshelwa ka nnete! O be a tseba monna yo mongwe gape, o be a ithuta Beibele le yena. A tloga a ya, go rarela thaba, gomme a mo hwetša ntle kua ka mohlareng wa gagwe wa moolibe. O be a khunamile fase, a rapela. Ba be ba bile le dithuto tše ntši tša Beibele mmogo, ka fao a tla ntle kua. Gomme a re, ka morago ga ge a feditše go rapela, a re, “Etle, o bone Yo re mo hweditšego; Jesu wa Natsaretha, morwa wa Josefa. Ke Mesia yo re mo lebeletšego.”

Bjale ke kgona go kwa Nathanaele a re, “Bjale, Filipi, ga se wa tšwa bofelong bja go subeletša, a o dirile?”

131 “Oo, aowa. Aowa. Bjale a ke go botše. O a tseba, re be re ithuta Beibele mmogo, gomme a moporofeta o rile Mesia o tla ba eng?”

“O tla ba Moporofeta.”

“O elelwa monna yola wa go thea dihlapa wa go tšofala o rekilego dihlapa go tšwa go yena, yo a bego a se na le thuto ya go lekanela go saena leina la gagwe, a bitšwago Simone?”

“Ya. Uh-huh.”

132 “O tlile godimo. Gomme a o a tseba ke eng? Jesu yo wa Natsaretha o mmoditše gore leina la gagwe e be e le Simone, a fetolela leina la gagwe go Petro, e lego ‘letlapa le lennyane’ gomme a mmotša gore tate wa gagwe e be e le mang.”

“Go lokile,” a re—a re, “Ga ke tsebe. Ke eng se sebotse se se ka tšwago Natsaretha?”

133 A re, “A re se ke ra bolela ka sona; e no tla gomme o bone.” Yeo ke kgopolo ye botse, “Etle gomme o bone.”

Ka fao mo go tla Filipi, o tliša Nathanaele godimo. Gomme ge a etla go sepelela godimo, go molaleng Jesu o be a eme, a bolela, go molaleng o be a rapelela balwetši llaeneng ya thapelo. Gomme ge a etla godimo fao Jesu a bego a le gona, Jesu a lebelela go mo dikologa, gomme a re, “Bonang Moisraele yo go se nago bomenetša ka go yena.”

¹³⁴ Bjale, o re, “Go lokile, e be e le ka tsela ye a bego a apere.” Oo, aowa. Ka moka ba bohlabela ba apara go swana. A ka be a be a ka kgona go ba Mosiria, goba a be a le eng kapa eng gape; maledu, seaparo.

¹³⁵ A re, “Bonang Moisraele yo go se nago bomenetša ka go yena,” ka mokgwa wo mongwe, “wa go botega, monna wa go hlokofala.”

Go lokile, seo se ile sa phohliša Nathanaele. Gomme a re, “Rabi,” seo se rago, “thitšhere.” “Rabi, O ntsebile neng? O tsebile bjang gore ke be ke le Mojuda? O tsebile bjang gore ke be ke botega, ke se na le bomenetša?”

¹³⁶ A re, “Pele Filipi a go bitša, ge o be o le tlase ga mohlare, Ke go bone.” Uh! Bokgole bja dimaele tše lesometlhanu, ka lehlakoreng le lengwe la naga, letšatši pele.

O ile a reng? “Rabi, Wena o Morwa wa Modimo. Wena o Kgoši ya Israele!”

¹³⁷ Eupša fale go be go eme baprista bale kua, ba itirile ba setaele ka bobona, ba itirile dikgokgorothwana ka bobona, ba re, “Monna yo ke Beletsebubu, mmolelamahlatse.”

Jesu a re, “Ke a le lebalela ka seo.”

¹³⁸ Bjale, elelwang, ga se ba ke ba e bolella godimo ntle, eupša ba e boleletše ka dipelong tša bona. “Gomme A bona megopolo ya bona.” Seo ke therešo. Seo ke se Beibele e se bolelago. O bitše *go bala monagano* ge o nyaka, eupša O—O ile a bona megopolo ya bona.

¹³⁹ Gomme A re, “Ke a le lebalela ka seo. Eupša letšatši le lengwe Moya wo Mokgethwa o ya go tla gomme o dire selo seo se swanago,” ka morago ga go tloga ga Gagwe; “go bolela lentšu le letee kgahlanong le Wona, go ka se tsoge go lebaletšwe lefaseng le goba lefaseng le le tlogo.” A seo ke therešo? [Phuthego e re, “Amene.”—Mor.] Bjale, bao e be e le Bajuda.

Ka gona letšatši le lengwe O be a na le nyakego ya go ya Samaria. Eupša feela pele re dira yeo, re hwetša mosadi, goba . . .

¹⁴⁰ Monna, ge a ile go kgabola kgoro ye e bitšwago Botse, yo a bego a fodišitšwe. Gomme Jesu o be a tseba seemo sa gagwe, gomme a mmošša, “Tšea mpete wa gago gomme o ye gae.” Gomme a dira, gomme a fola.

Ka gona re a hwetša, Bajuda, ba bangwe ba bona ba ile ba Mo amogela. Ba bangwe ba e dumela; ba bangwe ga se ba ke. Ka baka la eng ba se ba ke ba e dumela? Ba be ba se ba beelwa go ya Bophelong. Ba be ba se karolo ya kgopolo yeo.

¹⁴¹ Bjale elelwang, bona e be e le baprista le banna ba bagolo. Gomme Jesu . . . Naganang ka baithutamodimo bao le baprista, banna ba o bego o ka se kgone go hwetša bošaedi ka bophelong bja bona. Jesu o rile, “Ke lena ba tatagolena diabololo, gomme le dira mediro ya gagwe.” A re, “Ge nkabe le le ba Modimo, nkabe le Ntumela. Ge le sa kgone go Ntumela, dumelang—dumelang mediro ye Ke e dirago; e paka gore Ke nna Mang.”

¹⁴² Bjale, Beibele e boletše, gore, “Jesu o a swana maabane, lehono, le ka gosafelego.” Jesu o rile, “Mediro ye Ke e dirago o tla e dira le yena yo a dumelago go Nna.” A seo ke therešo? Elang hloko, yoo e be e le Melekitsedeke wa nnete bjale.

¹⁴³ Bjale elang hloko, gape, fao go be go le feela merafo ye meraro ya batho.

Le nkwele ke bolela ke re ke be ke le mokgethologanyi. Ke nna. Ka moka Bakriste ke bakgethologanyi; e sego kgethologanyo ya mmala, eupša kgethologanyo ya moya. Mmala wa letlalo la motho ga o na le selo go dira le yena. Ke ngwana wa Modimo ka Tswalo. Eupša Mokriste, Modimo o rile, “Nkaroganyeng!” “Tšwelang ntle go tšwa magareng ga bona,” le go ya pele. Ke mokgethologanyi, wa bohlaswa, gare ga therešo le phošo.

¹⁴⁴ Eupša elang hloko, ba be ba na le kgethologanyo nako yeo, kgethologanyo ya semorafe, e bego e le Basamaria.

Gomme fao go na le merafo ye meraro feela ya batho lefaseng; ge re dumela Beibele; ke, batho ba Ham, Shem, le batho ba Jafete. Bao ke barwa ba bararo ba Noage. Ka moka re tšwa fao. Seo ke therešo. Seo se re direla morago go tšwa go Adama, seo se re dirago banešu ka moka. Beibele e rile, “Go tšwa mading a matee Modimo o hlotše ditšhaba ka moka.” Ka moka re banešu, ka moela wa madi. Monna wa mokhalate a ka kgona go fa monna yo mošweu go tšhelwa ga madi, goba pele le morago. Monna yo mošweu a ka kgona go fa mo—Mojapane, monna yo mokheri, goba Moindia, monna yo mohubedu, le eng go feta, goba Mojafete, goba eng kapa eng, a ka kgona go mo fa tšhelo ya madi, ka baka la gore ka moka re ba madi a go swana. Mmala wa letlalo la rena, fao re phelago, ga o na le selo go dira le wona.

Eupša ge re kgethologanywa, ke ge re etla go tšwa lefaseng, go swana le ge A tlišitše Israele go tšwa Egepete. Seo ke ge re kgethologanywa go tšwa go dilo tša lefase.

¹⁴⁵ Bjale, ba be ba le batho ba Ham, Shem, le batho ba Jafete. Bjale ge nkabe re na le nako go kitimiša leloko go boela

morago, le be le tla kgona go bona Anglo-Saxon, moo e tšwago. Bjale, yoo e be e le Mojuda. . . Mosamaria, e bego e le seripa sa Mojuda le Montle, bao ba nyalanego le Bantle ka ditiro tša Biliamo, le Moaba. Ba be ba le Basamaria. Fao go be go le Bajuda le Bantle.

Bjale, rena Maanglo-Saxon ga re na le selo go dira eng kapa eng sa yona. Re be re sa dumele Mesia yo a itšego, goba eng gape. Re be re se ra lebelela go motee. Re tlišitšwe ka gare ka morago ga fao.

Jesu o tlike go ba Gagwe Mong, gomme ba Gagwe Mong ga se ba Mo amogela. Gomme O rile go barutiwa ba Gagwe, "Le se ke la ya ka tsela ya Bantle, eupša eyang go dinku tše di timetšego tša Israele." Gomme O ile feela go dinku tše di timetšego tša Israele. Gomme hlokomelang, O iponagaditše ka Seyena bjalo ka Morwa wa motho, pele ga Bajuda. Ba ile ba E gana.

Bjale, Mosamaria, e lego seripa sa Mojuda le Montle, ba dumetše le bona, gomme ba be ba lebeletše Mesia.

Rena re be re se. Re be re le bahetene, re na le mesebe ka magetleng a rena, re direla medimo ya diswantšho; Montle.

¹⁴⁶ Eupša bjale letšatši le lengwe, Mokgethwa Johane 4, O ile a ba le nyakego ya go feta ka Samaria, tseleng ya Gagwe go theogela Jeriko. Eupša a ya godimo go dikologa Samaria. Gomme ge A sa ya godimo kua, A dula fase sedibeng ka ntle ga toropokgolo ye e bitšwago Sikara. Gomme sediba, ge o kile wa ba kua, ke ponagalo ye nnyane e ka ba bjalo ka ye mo. Gomme fao go na le sediba sa phatlalatša fao, sa meetse, fao ka moka ba tlogo. Gomme basadi ba tla mosong, ba hwetša dipitša tša bona tša meetse, gomme o e bea godimo ga hlogo tša bona, gomme ye tee ka lethekeng le lengwe le le lengwe, gomme o sepela ka yona ka go otlologa ka fao a kgonago go ba, a ka se tšholle le ge e ka ba lerotholodi; ba bolela yo motee go yo mongwe. Ka fao, ba tla, batho ba tla tšwela ka ntle fao.

¹⁴⁷ Ka fao ye e be e ka ba ka iri ya lesometee ka letšatšing. Ka fao A roma barutiwa ba Gagwe ka toropongkgolo, go reka dilewa, dijo. Gomme ge ba sa ile. . .

¹⁴⁸ Fao go be go le mosadi wa tumo ye mpe. Re ka mmitša, lehono, lebonelehubedu la mosadi, goba seotswa. O be a na le banna ba bantši kudu. Ka fao ge Jesu a sa dutše fao, mosadi yo a tla ntle e ka ba iri ya lesometee. Le a bona, o be a ka se kgone go tla le dikgarebe ge di etla mosong go ga meetse a bona a go hlapa; o be a swanetše go leta go fihla ka moka. . . Ba be ba sa hlakane go swana le ka fao ba dirago bjale. O be a swailwe. Ka fao ka gona, o be a etla go ga meetse, gore a no tšea mekgobo ya kgale, gomme a bee dihuku godimo ga kgamelo, gomme a thome go e theošetša fase.

A kwa yo Mongwe a re, “Mosadi, Ntlišetše seno.” Bjale, elelwang, yo ke Melekitsedeke. Yo ke Jesu, maabane, Morwa wa motho.

¹⁴⁹ Gomme a lebelela go dikologa, gomme a bona Mojuda. Ka fao a re, “Mohlomphegi, ga se mo go botse gore Mojuda a kgopele Mosamaria eng kapa eng. Ke nna mosadi wa Samaria, ka fao O boletše ka ntle ga lefelo la Gago. O be o se wa swanela go nkgopela selo sa go swana le seo. Ga re na le tirišano yo motee go yo mongwe.”

¹⁵⁰ A re, “Eupša ge nkabe o tsebile Yo a bolelago le wena, o be o tla kgopela Nna sa go nwa.”

A re, “O ya go aga bjang? Sediba se a subeletša, gomme Wena ga o na le selo sa go ga ka sona.”

¹⁵¹ A re, “Meetse a Ke a fago ke Meetse a Bophelo, a tabogela godimo ka Bophelong bjo Bosafelego.”

O ile a bolela le yena go fihla A hwetša gore leemo la gagwe e be e le eng. Gomme ka gona ke . . . Hlokomela se A se boletšego go yena bjale, “Eya go bitša monna wa gago gomme le tle mo.”

Gomme a re, “Ga ke na le monna.”

¹⁵² A re, “O boletše therešo, ka gore o bile le ba bahlano, gomme yo motee yo o phelago le yena bjale ga se wa gago. Ka fao, ka go se, o boletše therešo.”

Hlokomelang phapano gare ga mosadi yoo le sehlopha sela sa baprista. O be a tseba go fetiša ka Modimo go feta ka fao sehlopha sohle sela sa baprista se bego se dira, se beilwe mmogo.

¹⁵³ O ile a re, “Mohlomphegi, ke a bona gore O Moporofeta.” A re, “Ga se ra ba le yo motee lebaka la makgolonne a mengwaga. Bjale, re a tseba gore Mesia o a tla. Gomme ge Mesia a etla, seo ke se A yago go se dira.” Leo e be e le leswao la Mesia, ka gore O be a le Morwa wa motho. A re, “Seo ke se A yago go se dira ge A etla. O swanetše go ba o le moporofeta wa Gagwe.”

¹⁵⁴ A re, “Ke nna Yena.” Ga go e mongwe gape a ka kgonago go bolela seo.

¹⁵⁵ A lahla pitša yela ya meetse gomme a kitimela ka toropongkgolo, gomme a re, “Tlang, le bone Monna Yo a mpoditšego tše ke di dirilego. A yo ga se Mesia?”

Bjale elelwang, O tshephišitše go dira selo se se swanago mafelelong a morafu wa Bantle.

Bajuda ba bile le mengwaga ye dikete tše nne go lebelela Mesia wa bona, mengwaga ye dikete tše nne ba ruta gore O be a etla, le se A bego a tla se dira ge A fihlile fao, gomme ba feila go Mmona, goba ba feila go e lemoga. Gomme ge A itira ka Seyena go tsebja ka go wona mabaka a Beibele e boletšego

gore O be A tla ba, ge A be a le theophany gomme ka gona a ba nama gomme a dula magareng ga bona, ba ile ba feila go e bona, gomme ba bitša mediro ya Gagwe mediro ya diabolo.

¹⁵⁶ Bjale re bile le mengwaga ye dikete tše pedi ya go ruta, go tla fase ka kereke ya Katoliki ya Roma, ka morago ga baapostola. Ka gona re tlile fase ka Katoliki ya Roma, Segerika, le go ya pele, go ya pele le go lebaka la Luther, le Wesley, eng go fetiša, makgolo a senyane a mekgatlo ya go fapana e etla fase. Ba bile le ka moka mabaka a, ba ruta.

Bjale O tshephišitše, feela pele ga nako ya mafelelo e tla tla, gore seswantšho sa Sodoma le Gomora se tla ba gape, “Bjalo ka ge go bile bjalo ka matsatšing a Sodoma, ka fao go tla ba bjalo ka go tleng ga nako ya mafelelo, Morwa wa motho o tla ikutolla ka Boyena gape.” [Lefelo la go se be le selo godimo ga theipi—Mor.]

“Eupša lebakana le lennyane gomme lefase le ka se Mpone gape; eupša lena le tla Mpona, ka gore Nna,” lašala mong, “Ke tla ba le lena, le ka go lena, go fihla mafelelong, bofelong bja lefase. Ke tla ba le lena.” O a swana maabane, lehono, le ka gosafelego. Le a bona?

¹⁵⁷ Le a bona, *Mosamaria* o be a, gabotse, go tšwa go thero ya ka bošego bja go feta, e be e le Hagara, le a bona, mohuta wo o fapošitšwego. *Mojuda* e be e le Sarah, goba e be e le Basarah. Eupša *Montle* ke wa Maria, Peu ya Bogoši, Peu ya Bogoši ya Abraham.

¹⁵⁸ Bjale go tshephišitšwe gore ka matsatšing a a mafelelo, gore, Modimo yo a swanago, Kriste yo a swanago, o tla tla morago mo gomme a ikutolla ka Boyena bjalo ka Morwa wa motho.

Ka baka la eng? O a swana maabane, lehono, le ka gosafelego. Gomme ge A be a ka tlogela Bajuda bale ba feta ka yona, gomme a ba fa leswao lela la Bomesia, gomme ka gona a tla go mafelelo a go ruta ga Bantle gomme a ba lesa ba no ya ka gare ka thutabomodimo, O tla be a se na le toka. O swanetše go dira selo se se swanago, ka baka la gore Beibele e rile, ke go les- . . . Baheberu 13:8, “O a swana.”

Gomme O tshephišitše ka go Maleaki 4, le ka moka Mangwalo a go fapana, gore, matsatši a mafelelo, kereke e tla be e dutše feela tlwa bjalo ka ge e le lehono, gomme lefase le tla ba.

¹⁵⁹ Lebelelang lefase lehono. Lebelelang seemo sa Sodomo. Lebelelang ditšhišinyego tša lefase ka mafelong a go fapana, le dilo tše di diregago. Lebelelang kereke le tlhakanantswiki ye e lego ka go yona, ya Babeloni. Lebelela motseta go yona, Oral Roberts le Billy Graham.

G-r-a-h-a-m, nako ya mathomo re kilego ra ba le motseta, go dikereke ka moka, yo leina la gagwe le kilego la felela ka h-a-m, bjalo ka Abraham. A-b-r-a-h-a-m ke

ditlhaka tše šupa. G-r-a-h-a-m ke ditlhaka tše tshela. O kae? Go ya lefaseng. Tshela ke nomoro ya monna. Monna o hlotšwe ka letšatši la botshelela. Eupša šupa ke nomoro ya Modimo.

¹⁶⁰ Bjale ba lebeleleng tlase kua Sodoma. Gomme fao go na le batseta ba bona tlase kua ba bolela le bona.

Eupša ka gona Peu yela ya bogoši ya Abraham e kae? Leswao la bona le kae, leo A le boletšego? “Bjalo ka ge go bile bjalo ka matšatšing a Sodoma,” gore Modimo o tlile fase gomme a bonagatšwa ka nameng ya motho, gomme a bolela seo Sarah a bego a se nagana morago ka pelong ya gagwe, ka tenteng ka morago ga Gagwe, leswao la mafelelo pele lefase la Bantle le fedišwa ka mollo. Gomme Kereke e na le leswao la yona la mafelelo pele lefase lohle le eya go fedišwa, mmušo wo wa Bantle o fedišwa ka mollo le bogale bja Modimo. A le dumela seo? [Phuthego e re, “Amene.”—Mor.]

¹⁶¹ Melekitsedeke yoo o be a le nama, o ikemetše ka Boyena ka mmeleng wa motho; gomme ka gona ka morago A dirwa nama. Gomme bjale, bošegong bjo, O a swana, maabane, lehono, le ka gosafelego. A le a e dumela? [Phuthego e re, “Amene.”—Mor.]

¹⁶² Ke mang Melekitsedeke yo, gona, yo a swanago maabane, lehono. . . “Ga se a ke a ba le tate, ga se a ke a be le mme; Yena ga se a ke a ba le mathomo a matšatši, Yena ga se a ke a ba le mafelelo a a itšego a bophelo.” Gomme O kopane le Abraham, gomme ke leswao la mohuta mang A le dirilego? Gona ge A dirilwe nama, O rile e tla bušeletša feela pele ga nako ya bofelo. A le dumela seo? [Phuthego e re, “Amene.”—Mor.] Ke a se dumela. [“Amene.”]

A re rapeleng.

¹⁶³ Morategi Modimo, ke dumela Mangwalo, gore O boletše gore O be o “swana maabane, lehono, le ka gosafelego.” Gomme ka tlhokofalo ka pelong ya ka, Morena, ke a tseba gore selo se sengwe se lokišetša go direga. Ga ke kgone go e amanya. Ke a boifa go bolela eng kapa eng, Morena. Wena o tseba pelo ya mohlanka wa Gago.

¹⁶⁴ Gomme ke dinako tše kae, tlase go kgabola lebaka ge O rometše dilo, batho ba feitše go e hwetša. Motho o tumiša Modimo kgafetšakgafetša ka se A se dirilego, le go bolela dilo tše kgolo tše A yago go di dira, eupša ba hlokomologa se A se dirago. Ka fao go bile bjalo go kgabola lebaka. Ka baka la eng kereke ya Roma e feitše go bona Mokgethwa Patrick bjalo ka moporofeta wa Modimo? Ka baka la eng ba bolaile Joan of Arc ge a be a le—a le moporofetagadi, ba mo tšhuma bjalo ka moloi? Tate, ka mehla ke le fetile. O e uta go mahlo a ba bohlale le ba tlišaologanyo. Ga go makatše O rile go bona baprista, “Le takile mabitla a baporofeta, gomme ke lena le

ba beilego ka kua.” Ka morago ga ge ba ile, ba bone phošo ya bona. Ka mehla ba a Go tlaiša, Morena, ka sebopego sefe kapa sefe o tlogo ka gare.

¹⁶⁵ Ke a rapela, bošegong bjo, Modimo, feela nako e tee gape. Bosasa re beetšwe go ba...go ya Tucson. Karolo tše dingwe tša lefase, ditoropokgolo tše dingwe re swanetšego go rera ka go tšona. Eupša, Morategi Modimo, fao go ka no ba basetsebjie mo bošegong bjo bao ba sego ba ke...Ba kwele Mantšu a rerwa, eupša ga se ba ke ba Le bona le dirwa go bonagatšwa.

Bjalo ka ge ke Go kgopetše mathomong. Ge barutiwa bale, Cleopa le mogwera wa gagwe, ba etla go tšwa Emmause, ba be ba sepela go bapela ka tsela, gomme Wena wa gatela go tšwa ka sethokgweng gomme wa thoma go bolela le bona, ka morago ga tsogo, wa ba rerela. Ka baka la eng, O rile, “Mašilo, ba dipelo tša go tšwafa. A ga le tsebe gore Kriste o swanetše go tlaišega ka dilo tše, ka gona a tsene ka letagong la Gagwe?” Eupša go le bjalo ga se bake ba e lemoga. Letšatši ka moka botelele ba sepetše le Wena, eupša go le bjalo ga se ba ke ba Go tseba. Eupša bošego bjo botee...

Bošego bja tla, ba Go phegelela go tla ka gare. Ge ba ile ka hoteleng ye nnyane gomme ba tswalela mejako, ka gona O dirile selo se sengwe fela ka tsela ye O se dirilego pele ga go bapolwa ga Gago, gomme ba lemoga gore e be e le Kriste yo a tsogilego. Ka metsotso ye e sego ye mekae O be o le ka morago ga digaretene gomme o sepetše. Ka bjako ba kitima gomme ba botša barutiwa, “Morena o tsogile ka nnete!”

¹⁶⁶ Tate, Modimo, ke a dumela gore O sa phela. Ke a tseba O a dira. Gomme O e kgonthištše go rena nako tše ntši. A O ka kgona go e direla rena gatee gape, Morena? Ge re hweditše mogau ka sefahlegong sa Gago, a e direge gatee gape. Ke nna mohlanka wa Gago; ba ke bahlanka ba Gago ka mo. Morena, ka moka tše ke di boletšego ga se tša fihla...Feela lentšu le letee go tšwa go Wena le tla feta se ke se boletšego ka mašegong a matlhano a, goba melaetša ye metlhano. Le tla ba go feta, feela lentšu le letee go tšwa go Wena. A o ka se bolele, Morena, gore batho ba tsebe gore ke ba boditše Therešo? E fe, Modimo. Ke e kgopela ka la Jesu Leina, se gatee gape. Amene.

¹⁶⁷ Bjale, ga ke le tsebe. Ke tseba batho ba bangwe. Ke tseba mošemane yo a dutšego *mo*. Ke tseba Bill Dauch a dutšego thwi *fao*. Ke nyaka go...Ngwanešu Blair šo, Rodney Cox. Ke mo go thata go bona ntle kua.

Ka lehlakoreng *le*, thwi nakong ya bjale ga ke kgone go bona motho, gabotse, yo ke mo tsebago.

¹⁶⁸ Bjale ke ba bakae ka mo ba ba tsebago gore ke mosetsebjie go lena? Emišetšang diatla tša lena godimo, ba le tsebago gore ga ke tsebe selo ka lena, emišetšang diatla tša lena godimo ka mahlakoreng wohle.

Ke ba bakae ka mo ba ba nago le se sengwe se se fošagetšego, goba selo se sengwe se o tsebago gore ga ke tsebe selo ka sona? A le ka emišetša diatla tša lena godimo.

Bjale, ka go felela go tla ba, ka go se phegišege ka go felela go se kgonege go nna go tseba eng kapa eng ka lena. Go sego bjalo, gona, se swanetše go tšwa go kutollo ye e itšego ya Moya.

Gomme ka gore ke le boditše mašego a ka moka, le bošegong bjo, gore Yena ga se a hwa; Yena o gona mo, gomme o tshephišitše go dira selo se se swanago. Gomme o tshephišitše gore fao go tla tla nako ka matšatšing a mafelelo, go ya ka Maleaki 4 le go ya ka Mokgethwa Luka, gore Yena o tla tšwelela gape ka sebopego sa motho magareng ga batho ba Gagwe le go dira dilo tše di swanago, le go utolla selo se se swanago, leswao la Bomesia le le swanago. Ke ba bakae ba tsebago seo, lena babadi ba Beibele, a tsebago gore seo ke Therešo? E reng, “Amene.” [Phuthego e re, “Amene.”—Mor.] E swanetše go ba babadi ba Beibele ka moka.

¹⁶⁹ Bjale, ke a tseba ke sa go se tlwaelege go batho lehono, eupša go le bjalo ke Therešo. Ke ka baka leo ga se ba ke ba tseba Jesu wa Natsaretha. Ba be ba tseba dithutotumelo tša dikereke tša bona, eupša ga se ba ke ba Mo tseba. Eupša O tlile ka tsela ye Beibele e boletšego; e sego moithutabomodimo, e sego moprista. O tlile bjalo ka Moporofeta, gomme ba Gagwe Mong ga se ba ke ba Mo amogela.

¹⁷⁰ Bjale, ge Modimo a ka boloka Lentšu la Gagwe, gomme ge nka direga go . . . e direga gore e wele godimo ga yo mongwe yo ke mo tsebago, gona ke tla—ke tla hwetša yo mongwe gape. Le a bona, ke nyaka yo mongwe yo ke sa mo tsebego. Gomme ke nyaka gore le rapele.

¹⁷¹ Bjale, lebelelang, fao go be go le mosadi yo monnyane nako ye nngwe a na le bofokodi. O be a feditše tšhelete ya gagwe ka dingaka; ga se ba ke ba kgona go mo dira bokaone. Gomme a re ka bogareng bja pelo ya gagwe, “Ge nka kgona go kgwatha diaparo tša Monna yola, ke tla fodišwa.” Le elelwa setori? Gomme ka fao ka moka ga bona ba ile ba leka go mo dira gore a boele morago, eupša a gatelela go kgabola go fihla a kgwathile seaparo sa Gagwe, a ya morago gomme a dula fase.

¹⁷² Bjale theetšang sekgauswi. Gomme ka gona ge A dirile seo, ge mosadi a dirile seo, Jesu a retologa go dikologa gomme a re, “Ke mang yo a Nkgwathilego?”

¹⁷³ Ka baka la eng, Petro moapostola a Mo sola. A ka no ba a boletše selo se sengwe bjalo ka, “Morena, o se ke wa bolela selo sa go swana le seo. Batho ba tla dumela gore fao go na le selo se sengwe sa go fošagala ka Wena. Ka baka la gore, ge O ba kgopetše go ja nama ya Gago le go nwa Madi a Gago, ba šetše ba nagana gore fao go na le selo se sengwe sa go fošagala. Gomme O re, ‘Ke mang yo a Nkgwathilego?’ Ka baka la eng, lešaba lohle le a Go kgwatha.”

174 A re, “Eye, eupša ke a bona gore bokwala bo tšwele go Nna.” Yeo e be e le mohuta wa kgwatho ya go fapana. Bjale, yo mongwe o a tseba gore *bokwala* ke “maatla.” “Ke hweditše go fokola; bokwala bo Ntlogetše.”

Gomme A lebelela go dikologa lešabeng go fihla A hwetša mosadi yo monnyane, gomme a mmošša ka bothata bja madi a gagwe. Gomme o kwele ka mmeleng wa gagwe gore bothata bjoo bja madi bo eme. A seo ke therešo? Gomme A re, “Tumelo ya gago e go phološitše.”

Bjale, lentšu la Segerika fao ke *sozo*, leo ka go felela le ra “go phološwa,” mmeleng goba moyeng, go no swana. O “phološitšwe.” Ke—Ke Mophološi wa gago.

175 Bjale, ge e be e le Yena maabane, gomme ka tsela ye A dirilego, go kgonthiša gore O be a le magareng ga batho, Mesia o tshepišitše; gomme yeo ke tsela ye A ikamantšego ka Boyena, gomme o tshepišitše ka Beibele, O tla dira selo se se swanago bjale; a A ka se ke, a A ka se swanele go dira selo se se swanago?

176 Le re, “A O boletše ka go fodiša balwetši?” Ya!

Baheberu, Beibele ye ke sa tšwago go bala go yona, e boletše gore, “Jesu Kriste bjale ke Moprsta yo Mogolo wa rena yo a kgonago go kgwathwa ke dikwi tša mafokodi a rena.” Ke ba bakae ba tsebago therešo yeo? [Phuthego e re, “Amene.”—Mor.] Beibele e boletše seo. “Ke Moprsta yo Mogolo bjale yo a kgonago go kgwathwa ke dikwi tša mafokodi a rena.” Ka gona ge A le Moprsta yo Mogolo yo a swanago yo A bego a le yena nako yeo, O tla dira bjang bjale? O tla swanelwa ke go dira ka tsela ye e swanago le ye A dirilego nako yeo, ge A le Moprsta yo Mogolo yo a swanago. Bjale, le ka no . . .

Ga se nna Moprsta wa lena yo Mogolo. Le ka no nkgwatha, gomme go tla no swana le ge o kgwathile monna wa gago, goba ngwaneno, goba eng go feta, monna.

177 Eupša e re tumelo ya gago e kgwathe Yena, gomme o bone se se diregago. Bjale, ge ke le mohlanka wa Modimo gomme ke le boditše Therešo, Modimo o tla hlatsela yeo go ba Therešo. Gomme se tla kgonthiša gore Jesu Kriste o a phela bošegong bjo, o eme mo. A seo ke therešo? [Phuthego e re, “Amene.”—Mor.]

Bjale, le na le tumelo, lahlakore le tee ka nako, lehlakore le tee. Le na le tumelo ntle fao. Bokaonekaone ke dule go maekorofouno mo, ka baka la gore ba ka se kgone go nkwa.

178 Yo mongwe o sa tšwa go lebelela godimo go Modimo, gomme a re, “Modimo, monna yola ga a ntsebe. Ga a tsebe selo ka nna. Ke nna mosetsebje wa go phethagala go yena. Eupša tumelo ya ka e kgwatha Wena, Morena. Gomme O a tseba gore bothata ke eng ka nna, Morena. O tseba ka moka ka nna. O tseba gore ke nna mang, ke tsela ye e swanago ka fao O tsebilego gore Petro e

be e le mang, ka tsela ye e swanago ye O tsebilego Nathanaele, bjalo ka ge O tsebile se se bego se fošagetše ka mosadi wa bothata bja madi. Gomme monna yo o a mpotša gore Wena o a 'swana maabane, lehono, le ka gosafelego.' Gona, Morena, a nke tumelo ya ka e kgwathe Wena."

Gomme ge A ka dira seo, gomme ka ntle le go feila a ikgonthiša ka Boyena mo, ke ba bakae ba lena ba tla Mo dumelago ka pelo ya lena ka moka; ge A ka e dira feela yo motee, goba ba babedi, goba ba bararo batho, bjalo ka—bjalo ka bohlatse? [Phuthego e re, "Amene."—Mor.] Modimo a le šegofatše.

¹⁷⁹ Bjale, Tate Modimo, se ka go felela se ka ntle ga diatla tša monna yo a itšego. E swanetše go ba tiragalo ya ka godimo ga tlhago. Ka fao ke a rapela gore O tla nthuša bjale, Morena. Ke ka diatleng tša Gago. Ntire ka mo O bonago go swanetše. Leineng la Jesu. Amene.

¹⁸⁰ Bjale, le se ke la tšhoga. Feela ka go kokobela, ka tlhomphokgolo e re, "Morena, ke tla Go direla. Gomme yeo e tla ba therešo, gore, ge nka kgona go kgwatha seaparo sa Gago, gona O tla bolela morago go nna ka monna yola. Seo se tla nkgonhišetša gore se a se boletšego ke Therešo." Seo ke therešo?

¹⁸¹ Ke ba bakae ba kilego ba bona senepe sa Seetša sela? Se ka moka gohle ka nageng, kae kapa kae. Saentshe e se tšere gomme ya se hlahlofa, kae kapa kae. Bjale, O mo thwi bjale; yo Motee yo a boletšego ka *Lenyalo le Tlhalo*, yo Motee yo a swanago o be a le thabeng, a šišinya dithaba morago kua, yo Motee yo a swanago yo a bego a le tlase nokeng mo ka '33, wa go swana maabane, lehono, le ka gosafelego. O a swana.

¹⁸² Bjale, fao go na le mosadi, gomme o a lemoga bjale gore selo se sengwe se diregile. Seetša sela se lekeletše thwi godimo ga gagwe. O dutše thwi *mo*, o apere sekhipha se se tala, goba selo se sengwe. Ga ke tsebe mosadi. Ke a nagana re basetsebane mongwe go yo mongwe. Seo ke therešo. O a dumela gore Modimo . . . O—o nyaka selo se sengwe, gomme a o dumela gore Modimo a ka kgona go utolla go nna gore bothata bja gago ke eng? Gomme ge A dira, gona o a tseba gore se swanetše go ba maatla a ka godimo ga tlhago, ka baka la gore ga ke go tsebe. Gomme se swanetše go tla ka sa ka godimo ga tlhago.

Go ya le gore o nagana gore ke eng. O ka kgona go tšea lehlakore le baprista, wa se bitša "diabolo," goba o ka kgona go tšea lehlakore le modumedi gomme wa se bitša "Modimo." Eng kapa eng o se dumelago, fao ke mo moputso wa gago o tlogo go tšwa gona.

¹⁸³ Ge Modimo a ka utolla go nna bothata bja gago, a o ka Mo amogela bjalo ka sa gago—sa gago seloba sa bothata bjoo? Ga ke tsebe gore bothata ke eng. Eupša ke a tseba, le wena o a tseba, gore selo se sengwe se a direga.

184 Bjale, bjale e no ntumelela ke go botše ka fao o ikwelago, gomme ka gona o tla tseba; bja nnete bjo borutho, bjo bobose, bja boiketlo boikwelo. Ke lebeletše thwi go otlologa go Sona. Ke Seetša sela, Seetša se sekheri se lekeletše go tšwa go mosadi.

Gomme mohumagadi o tlaišega ka bothata bja teng ya gagwe. Ke mohuta wa dihlogo, go swana, ka teng ga gagwe. Ga a tšwe mo. [Kgaetšedi o re, "Therešo."—Mor.] Aowa. O tšwa kgole go tloga mo a ga o dire? Seo ke therešo. O tšwa Wisconsin. A seo ke therešo? Nnete. Bjale o fodišitšwe. Tumelo ya gago e go dirile gore o felele.

185 Bjale mpotšeng gore mosadi o kgwathile Mang? Ke dijarata tše masomepedi-tlhano go tloga go yena. O kgwathile Jesu Kriste, Moprista yo Mogolo. A le dumela seo? [Phuthego e re, "Amen."—Mor.]

186 Ke lebeletše mosadi yo ke boletšego le yena. Mosadi yo, ke lebeletše thwi go yena, ka baka la gore o rapelela monna kudu. O mpoeditše gore o be a na le monna. . . Ga se a mpotša selo ka yona.

Eupša leina la gagwe ke Mdi. Waldrop. O tšwa Phoenix. O tsošitšwe bahung, gomme ngaka ya gagwe o tlile le di x-ray gomme di laeditše kankere ka pelong. O hwile ka llaeneng ya thapelo. Ke lebaka le letelele ga kakang ge seo se bile gona, Mdi. Waldrop? Mengwaga ye lesomeseswai ya go feta, gomme šo o dutše bošegong bjo, ke bopaki bjo bo phelago. Ngaka ya gagwe e tlile kopanong, a tliša. . . A re, "Mosadi a ka phela bjang?" Eupša šole fa, gomme ga go leswao la yona.

187 O tlišitše yo mongwe, gomme o a mo rapelela. Bjale, o hwa, ka swikiri. Bjale, seo ke be ke se tseba. Eupša bjale ka gore o a rapela. . . O a tseba gore ga ke tsebe gore ke mang, Mdi. Waldrop.

188 O tšwa Missouri, gomme leina la gagwe ke Mna. Cooper. Seo ke therešo. Bjale, o a dumela, o ka kgona go ya morago gae gomme o fole, mohlomphegi. Go tšwa go wena, ge eba o tla e dumela.

189 Mosadi šo, gomme o tlaišega ka seemo sa asema, ditlhakahlakano. Ga a tšwe mo. O dutše ntle fao ka lešabeng, thwi ntle *fao*. Ke a dumela o hwetša. . . Ga a tšwe mo. O tšwa Georgia. Mohumagatšana McKenny. A o dumela ka pelo ya gago ka moka, le go dumela gore Modimo o tla go dira gore o fole? Ema ka maoto a gago, ge o le mosetsebje go nna gomme se e le therešo. Jesu Kriste o a go fodiša. A o a dumela?

[Ngwanešu Branham o na le magetla a gagwe go phuthego—Mor.]

190 Bo morago bja ka, fao go na le monna o dutše ka morago ga ka. O kgomana le Modimo. Gomme se a se nyakago; o na le lesea le le nago le bothata bja pelo. Gomme lesea leo le na le go

popoduma ka pelong ya lona, ka fao ngaka o boletše. Gomme leina la monna yoo ke Mna. Cox. Ema, Mna. Cox. “Gomme O boditše Sarah se a bego a se nagana, ka morago ga Gagwe.”

[Ngwanešu Branham o tšwela pele a na le magetla a gagwe go phuthego—Mor.]

¹⁹¹ Thwi go putla mokgoba go tloga go yena, morago ga nnyane pelepele, go na le monna yo a sa tšwego mo, eupša o tšwa New Mexico. Ga se kake ka mmona, ka bophelong bja ka. Ke lebeletše thwi go yena bjale, gomme o ka morago ga ka. O tšwa New Mexico. Gomme monna o na le mosetsana yo a nago le kgahlego go yena, gomme mosetsana o na le selo se sengwe se fošagetše ka molomo wa gagwe. Ke . . . Ke magalagapa ka molomong wa gagwe ke wona a fošagetšego. Gomme monna leina la gagwe ke Mna. West. A o ka ema, mohlomphegi. Ke nna mosetsebje ka go felela go yena, eupša Morena Modimo o tla fodiša ngwana wa gago.

¹⁹² A le a dumela ka pelo ya lena ka moka? [Phuthego e re, “Amene.”—Mor.] Ke ba bakae ba lena ba dumelago bjale ka pelo ya lena ka moka? [“Amene.”] Bjale, a Jesu Kriste ga a swane maabane, lehono, le ka gosafelego? [“Amene.”] A o a Mo amogela bjale bjalo ka Mophološi wa gago? Emiša seatla sa gago. [“Amene.”] A o dumela ka go Yena bjalo ka Mofodiši wa gago? [“Amene.”]

¹⁹³ Šo, šo motho o dutše mo, o golofetše goba selo se sengwe, o robetše ka koloyaneng.

A o kgona go nkwa ka maeke wo? [Ngwanešu Branham o tšea maekorofoune gomme o sepelela go ya mafelelong a sefala gomme o bolela le mosadi godimo ga koloyana—Mor.] Ga ke go tsebe. O no ba mosadi a robetše moo. Ge nkabe ke kgona go go fodiša, ke be ke tla e dira. Nka se kgone go go fodiša.

[Monna o thoma go lla—Mor.] Ka moka gabotse. E no ba monna yo a thabilego. Ngwana wa gagwe o fodišitšwe.

Ga ke go tsebe. O mosadi, gomme ke nna monna. Ye ke nako ya mathomo re kopana ka bophelong, ke a gopola. Batho ba . . . ? . . . ba ba go tlišitšego. Gabotse, ye ke nako ya gago ya mathomo mo; ba no go tliša ka gare. O tšwa tsela ye telele. O apešitšwe ke morithi go ya lehung. O na le kankere. Ga se bogole. Ke kankere. Dingaka ga di sa kgona go go direla go feta. Ke therešo. Gomme ka nnete o a hwa; dingaka tšeo di ka se kgone go go direla go feta.

¹⁹⁴ Nako ye nngwe fao go be go le balephera ba bararo ba dutše kgorong ya Samaria. Gomme balephera ba re, “Ka baka la eng re dutše mo go fihla re ehwa?” Ka baka la, ka moka bolwetši, go swarwa ke tlala go ya lehung, le go jelana bana. Ba re, “Ge re eya kampeng ya lenaba, Basiria; ge ba re bolaya,

re ya go hwa, go le bjalo. Gomme ge ba re phološa, re tla phela.” Gomme ba leka mahlatse ao. Gomme, ka tumelo yeo, ga se ba iphološa ka bobona ba nnoši eupša sehlopha sohle.

¹⁹⁵ Bjale, o ya go hwa ge o robetše fao. Eupša ga o kgopelwe go ya kampeng ya lenaba. Eupša o a laletšwa go tla ngwakong wa Tate, . . . ? . . .

¹⁹⁶ O hwa ka kankere. O ka se kgone go phela ka ntle le Modimo. Ga o tšwe toropongkgolo ye. Ga o tšwe tikologong mo. O tlile go tšwa tsela telele. O tšwa Milwaukee. Seo ke therešo. Seo ke gabotse. Ke bone toropokgolo. Ke a e tseba. Seo ke gabotse.

A o a dumela? A o ka amogela Modimo bjale bjalo ka Mofodiši wa gago? Ge o ka dira, ga go tshwenye gore o fokola bjang, o tlemeletšwe mpeteng bjang, ke a dumela, tabeng ya gago, ke tla ema Leineng la Jesu Kriste. Gomme tšea koloyana yela gomme o ye gae, gomme o phelele letago la Modimo. A o ka nkobamela, bjalo ka moporofeta wa Modimo? Gona emella gomme o sepele. Fola! O se ke wa boifa. Emella go tloga koloyaneng; Modimo o tla go fodiša. Le a bona?

¹⁹⁷ Yo mongwe mo sware gore a kgone go emela godimo a hwetše maatla. A o dumela Modimo? E no mo dira gore a hwetše maatla a mannyane; o tla ba gabotse ka moka. Yeo ke yona, kgaetšedi. Šowe, Leineng la Jesu Kriste! [Phuthego e a thaba ge kgaetšedi bjale a eme—Mor.]

A re emeng gomme re feng Modimo tumišo. O a swana maabane, lehono, le ka gosafelego! [Phuthego e thabile kudu le go tumiša Modimo—Mor.]

Tloga, gomme Morena Jesu Kriste a go šegofatše. Fola. [Phuthego e tšwela pele e thabile kudu le go tumiša Modimo—Mor.]



MELEKITSEDEKE YO KE MANG? NST65-0221E
(Who Is This Melchisedec?)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena manthapama, Fepereware 21, 1965, ka Parkview Junior High School, ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwalolotšwe ntle le go fokotšwa ka Seisimane. Ye ya North Sotho tlhathollo e ngwalolotšwe gomme e phatlalatšwa ke Voice Of God Recordings.

NORTH SOTHO

©2016 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org